

SIRETAB BETUT AGE TUGUL
MAONATENG'UNG NEBO BETUT AGE TUGUL

KONUNET

1

Arawetab Tai -- Arawetab Aeng' -- Arawetab Somok

2  25

Logoiywek **CheMiach**

Betut age tugul

BUCH

MA KIALDOI


SIRUTICHU KO KILPAN
ORETIKYOK AGO NYOLU KIGOITO BUCH

J beek che kaitit eng' ne amei melel, **Logoiywek che miach** che bunu emet ne loo (Kalewenaik 25:25)

Uebert @ BeBe
ANGEL



UEBERT AK BEBE ANGEL




Kotinye mogornatetab kasarta eng' boisietab Kamuktaindet, Uebert ak BeBe Angel ko naatin kutuswekwak eng' amdaetab logoiywek che miach che bo chametab Kamuktaindet (Euangelion), ak kayaptaet ne bo Kuursetab maonatet eng' ng'ony komugul. Ichek ko siriikab bukuisiek che aldoi ak kowalei bik mising' kou Spiritual Warfare, Prayer Banks, Supernatural Power of The Believer, Grace Driven Life ak logoiywek che miach che bo betut age tugul. Kiyai ichek tesetab tai ne togu eng' bukuisiekab Kristianik.

Uebert ak BeBe Angel ko naatin ichek agobo keerenywan bo tai, taunetab tuguk ak kandoinat ne tynyei teerchinet ak kicheng'ei ichek mising', kocheer ak kong'alalji bik. Ichek ko taunikab kaniset ne The GoodNews Church (Spirit Embassy), ago nomu ichek kuursetab maonatet. Kitiiny ichek sobonwekab millionisiek koyom ng'ony, kotinye tokyinet ak kajiiletat ge koyapta ng'ang'utietab logoiywek che miach, ak walet ne bunu chametab Kamuktaindet (Euangelion)

AGOBO LOGOIYWEK CHE MIACH CHE BO BETUT AGE TUGUL

Bukuitab logoiywek che miach betut age tugul, ko nyolu mising' eng' Kristianik amu sirat eng' ng'omnatet, si kobiit koteech tamirmiriet eng' betusiek tugul che bo kenyit. Konu naet ne mi barak, ng'ang'utik che bo kimnatet, ak maonatetab betut age tugul ne tokyin inendet ne somani sobetab Kristo, ne mitei eng' kanetutik che bo walet ak ng'ang'utikab Maotiot Uebert Angel. Sirutichu keropu konyil ang'wan eng' kenyit ak naat amu yomu ng'ony, ago kigoito buch eng' kutuswek che terjn, si kobiit koityi kutuswek alak, ak eng' noto konyor biik tugul eng' ng'ony ng'alechu bo walet.



Betutab Somok, Arawetab Tai 1

MENOTET KOSUBI KABUTET

1 Petero 5:5

Ko u noto ak okwek che o mengechen, ogas it boisiek. Ee, ogermenge okwek tugul eng' kaming'inetab ge si kobiit oboisiechige okwege eng' okwege: amu kirindoi Jehovah menotik, ak kogochin mieindo che iming'inegi.

'Menotet kondou ak isubi kabutet' ko mwaet ne naat mising' eng' Kristianik ak bikab ng'onny, ago kigeboisien eng' ng'alalutik ak bitetab tienwogik, kobaten mwaonito kosubigei ak sirutikab Bukuit Ne Tilil! Mwawech Bukuit Ne Tilil kole, ye imache isuldaen berurtab Kamuktaindet eng' sobeng'ung', ko nyolu igeer ile metinyei menotet!

Chang' bik che mi eng' menotet, amu matinyei kaguiyet agobo ole imukto ge chito koteb eng' menotet. Ye itinye menotet, itinye kayanet mising' eng' kamugeng'ung', amegeere chametab Kamuktaindet eng' sobeng'ung'! Sirutietab rani koboruech kole ye kirindoi Kamuktaindet che mendos, kogochin mieindo che iming'inigei. Ye kitau kenyit ne leel, ko kewelut ne tinye bik che chang' ko menotet. Mat ichamji koteer baornateng'ung'. Ilakyingei kaming'inetab ge ak igeer kasuldaetab kenying'ung', ak iweksei ak baornatet.

MAONATET NE KIMWACHIN GE

Eng' kenyini leel, kotoretan kaming'inetab ge awo barak! MACHAMJINI MENOTET KOGESWAN! Sirimwek alak tugul che yome koteeran eng' 2025 kong'etos eng' kainetab Jesu!

TESETAB SOMANET

Kalewenaik 16:18

Tos ichobot inaaam isoman Bukuit Ne Tilil eng' betusiek 365?

Somanetab rani: Taunet 1-3

www.goodnewsdailydevotional.com



Betutab Ang'wan, Arawetab Tai 2

NG'AT KARONENG'UNG'

Job 38:12-13

Kiing'at karonet koboch ngo biit betusieguk, Ak igochi egonet konai komostanyi; Si kobiit konam tabanwekab ng'onny, Ak kitumdum che yaachen komong' eng' yoto?

Tos ingen ile imuchi ing'at karoneng'ung'? Wolutiet ne mang'u eng' Kristianik che chang' ko 'Achicha!'. Nganda iboruech Bukuit Ne Tilil eng' komoswek che chang' kamanutiet ne mi eng' ng'atetab betusiek, inyooru che chang' kosoptos eng' koratet amaiguitos kimnatet ne kiinde Kamuktaindet orinywa. Ko I lakwetab Kamuktaindet ko kigonin kimnatet itilu ole itokyinigei, ko tomo itiech yoto. Ui anyun iboisien kimnatani koitita, ye ing'eete ameng'ate karonet, kobaten kit ne iyaei ko inam simoit, ichegen tuguk che kagiyogun kasarta age tugul ne keng'eet!

Kong'eete rani ak kotestai inaam anyun iboisie kamuget noto kigonin Kamuktaindet eng' karonet age tugul. Ye ing'ate betusieguk, ilititi ole itokyinigei, ak eng' noto ibutobuti ak iburbureni tetutikab bunyot ko tomo kosich kasarta koboor ge anan kong'emin!

MAONATET NE KIMWACHIN GE

Ang'atin anyun karonani ale indochi betut ne isuldai komie rani. Amaoteni ale egu borotet betunyun eng' komosta age tugul ne bo sobenyu. A borotet ne ititaat eng' kenyini bo 2025. Haleluya!

TESETAB SOMANET

Tienwogikab Kalosunet 5:3

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 4-7

www.goodnewsdailydevotional.com



Betutab Mut, Arawetab Tai 3

BUNYOT ENG' KUTUNG'OIK

Pilipik 2:10-11

si kobiit kogutuny kutundo age tugul eng' kainetab Jesu, age tugul ne mi kipsengwet, ak ne mi ng'ony ak ne mi ng'ony orit, si kong'any ng'elyepta age tugul kole Jesu Kristo ko Kiptaiyat, agoi torornatetab Jehovah Kwanda.

Mwoweche Bukuit Ne Tilil kole, tuguk tugul che inyoru eng' sobeng'ung', ngo che mi barak Kipsengwet anan kureretab ng'ony, ko nyolu kogutuny eng' kainetab Kiptaiyat Jesu Kristo. Nganda chang' Kristianik che imuchi komwa, kasarwek che chang' ye kiboisien kainetab Jesu, ago manyor toretet anan agot ko kitesak uindo! Si koyaak kou noto ko eng' kit ne nyumnyum. Eng' arorunet ne ki tai, 'kainet' ko ki ng'olyot 'anoma', ne noto ko atebet. Chang' che kuure kainetab Kamuktaindet ago sobonwekwak ko ma iboru tililindo eng' olda tugul.

Kainetab Kiptaiyat Jesu Kristo ko ma yateiywot ne iboisie ing'etii sirimok, kobaten machei sobeng'ung' koek kioitab kimnatanato iyome iboisien. Ko I lakwetab Kamuktaindet ko nyolu igeer ile iyanjindos sobeng'ung', ak atebetab Kristo ago eng' yoto igeere bunyot kogutunyi eng' sobeng'ung'!

MAONATET NE KIMWACHIN GE

Sobenyun ko kaborunetab Kamuktaindet ne sobe eng' orinyun. Rani aguure kainetab Jesu amitei eng' atebenyin, ak ng'etos sirimok tugul che nyolu kong'etyo rani! Amen.

TESETAB SOMANET

Romanik 14:11

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 8:1-11:9

www.goodnewsdailydevotional.com



Betutab Lo, Arawetab Tai 4

MA LELUTIETAB KAMUKTAINDET

Jeremia 1:5

Kiangenin ye kitom amimiin eng' moet, ak kiatabanin kotom kesichin; kiandain iegu maotiot eng' bororiosiek.

Me lelutietab Kamuktaindet! Chang' bik che eng' sobenywa bo betut age tugul, korogen kamanutienywa ole kinyorjigei eng' ng'ony, anan ko tuguk che kibunot. Ago mwawech ng'olyotab Kamuktaindet kole kin kotomo kesichin, ko kiinde kamanutiet ne o sobeng'ung'. Eng' sirutietab rani kegeere Kamuktaindet kong'alaljin Jeremia, kong'angjin kolenji, kotomo kesich inendet, ko kilewen Kamuktaindet inendet koek maotiotab bororiosiek! Kou eng' noto ko mwaei Kamuktaindet eng' ng'olyondenyin kole, kiinde kamanut sobeng'ung' ko tomo kesichin eng' borto.

Ko I lakwetab Kamuktaindet ko tien ge anyun inai, ak iwendote kamanutiet ne kiinde Kamuktaindet sobeng'ung'! Ibute sirimok ak itinye kimnatet ne magimuchi keteer! Nyiganitune konunotiotab Kamuktaindet eng' oring'ung', ago anyun igeere berurtab Kamuktaindet ne mamitei ne kergei eng' kenyini!

MAONATET NE KIMWACHIN GE

MA LELUTIET! Kiyaan Kamuktaindet ak kamanutiet ne o, ak noto ko konunotiot ne mamitei ne kergei. Mamitei eng' nyogoriet. Menyei Kamuktaindet orinyun, ago aboisien nito kou ye nyoljon rani, eng' kainetab Jesu!

TESETAB SOMANET

Tienwogikab Kalosunet 139:14

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 11:10-14:13

www.goodnewsdailydevotional.com



Betutab Tisap, Arawetab Tai 5

IGOCHIN BETUSIEK SOMOK KITYO

Luke 22:53-54 (KJV)

Luka 22:53-54

Ye kiami kobotok betut age tugul eng' hekalut, ko ma oyogocha eunekwok: ago saing'wong' ni, ak kimnatet ne bo mesundeito. Kinam anyun inendet, ak komut kwo gotab tisiindet ne o. Ak kiisubi Petero eng' ye loo.

Sirutioni koboru ng'wektaetab Jesu Kristo, ak ole kiginam inendet. Eng' sainito ko mi imanitab tamirmiriet na iborugei! Mwaei Kiptaiyat Jesu kole, "Saing'wong' ni, ak kimnatet ne bo mesundeito." Tos ma bo kwong'et ye iboruech Kiptaiyat Jesu, kasarta ne kiibwati bunyot kole kiakobelis? Amanai eng' yoto kole kiisuldaen komie magutik kou ole kimakta Kamuktaindet. Eng' betusiek somok kityo, ko king'eet weritab Kamuktaindet, kitoror ak kibarta inendet kogeer bik tugul, koboto choto che kitete kong'em inendet!

Mi kasarwek eng' sobeng'ung', che ibune ole inigeer kou ne kagobelis bunyot. Ago sainato ak kimnatetab mesundeito, ko mi eng' tetutik ak magutik kokanapten iwe barak! Imang'un Kamuktaindet ak igeerji ge kowalei sobeng'ung' komieit! Imang'un Kamuktaindet ne kichulochul togetab meet, yeityo koterteer. Igerjinigei tuguk koyaaksei eng' sobeng'ung', ne mamitei ne kergeri eng' kenyini!

MAONATET NE KIMWACHIN GE

Kou liblibeneta mat ne kagiyuokyi, aityini komoswek che mi barak eng' kenyini. Tetutik alak tugul che yome bunyot koburburenen ole atokyinigei, kosistos rani! Amen.

TESETAB SOMANET

Tienwogikab Kalosunet 30:11-12

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 14:14-18:8

www.goodnewsdailydevotional.com



Betutab Tai, Arawetab Tai 6

MAMITEI NYASUTIK

Tienwogikab Kalosunet 91:11-12

Amu iyomisi malaikaisiekyik koribin, Si koribin eng' ortinweguk tugul. Kanabin eng' eunekwak, Si marus koita keldang'ung'.

Tos nda amwaun ale sobet ne kimagun Kamuktaindet isob, ko sobet ne manyasin boriet age tugul ne ibun bunyot ko mengen? Ko I Kristianindet ko maityin borietab oindet ko mengen. Kiiyomis Kamuktaindet malaikaisiekyik koribin, ago eng' noto ko boisie kasarwek tugul, kogeer kole maityin ng'emisiet!

Ko I lakwetab Kamuktaindet, ko ma nyolu iyonji tuguk che u nyogornatet, ak kereretab met komus betusieguk, amu kiinde ripset Kamuktaindet, tuguk tugul che tinye ge ak sobeng'ung'. Ye isobe eng' nyogoriet, inyegemi ripset ne kigonin Kamuktaindet eng' Kristo, ak eng' yoto ichamjini oindet kochutyin. Kimi kenyit ne kigimaotenji. Wendoten anyun eng' naet ile, iboisiechini Kamuktaindet ne ingen tuguk che tesetai, agot kosir tuguk tugul che kiboisien eng' ripset ne mi barak!

MAONATET NE KIMWACHIN GE

Magoi kenyanan, ago machutyin sobenyun nyogoriet ak kereretab met. Tinye Kamuktaindet malaikaisiek, che boisiewan kotugul bet ak kemo. Aboisiechini Kamuktaindet ne ingen kit ne tesetai kasarwek tugul! Amen.

TESETAB SOMANET

Tienwogikab Kalosunet 3:3

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 18:9-21:21

www.goodnewsdailydevotional.com



Betutab Aeng', Arawetab Tai 7

TEMENIK ENG' MBARETAB SABIBUK

Johana 15:5

A ketitab sabibuk, ko o temenik: inendet ne menya, ak amenye inendet, ko noto ne yiei logoek che chang': amu momuchi oyai kiy okwege ngo mami ane kobotok.

Ko I lakwetab Kamuktaindet, ko I temet ne mi ketit ne litit ne bo sabibuk! Eng' somanetab ketik ko ketitab sabibuk kogochin temenikyik beek, ak tuguk che makyin ge si kobit koiyo komie. Kou noto agine eng' temenikab ketit nebo koigeny, ne noto ko Jesu Kristo, kogochin lagokyik beekab sobet ak kosobet eng' borwekwak! Mat ichamji mionwek, anan ko korotwek alak tugul kong'em bortang'ung', ago ne ingen ile I temetab ketit aion. Iboru Bukuit Ne tilil kole itinye sobetab Kristo eng' oring'ung', ago anyun ko mat iywei kit ne yome bunyot koyaun.

Eng' Bukuit Ne Tilil kogimiti Paulo ne Kiyoktoi, sirutietab rani ye kimwa kole, "Amuchi ayai tuguk tugul eng' inendet ne igimita." Kiiguiyo kole, ko ki temet inendet ko kitinye kamuget koyai kit age tugul, amu eng' kimnatet ne kiigochi inendet Kamuktaindet. Nai anyun boroinweguk che mabegu ak kimnateng'ung' eng' rani, ye inae ile ng'o ne omi tuwai.

MAONATET NE KIMWACHIN GE

A temetab ketitab koigeny ne bo Kamuktaindet; bunu inendet kimnatenyun. Maimegei rani agobo uindo age tugul ne imuchi konyonjon. A ropat eng' ketit ne ititaat, noto ko Jesu Kristo!

TESETAB SOMANET

Pilipik 4:13

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 21:22-24:27

www.goodnewsdailydevotional.com



Betutab Somok, Arawetab Tai 8

TUGUL KO BO TORORNATET

1 Korintoek 10:31

Noto anyun ngoame, anan ngoee, anan agot eng' kiy age tugul ne oyae, oyai tugul otorori Jehovah.

Nganda naat mising' sirutioni eng' Kristianik che chang' eng' ng'ony, ko chang' che maisubi kou noto! Matin konyumnyum sirutioni ko tinye ng'olyot ne kim ago ititaat. Tos kiitilu iman igoite ge kotugul agobo torornatenyin? Kesopchi torornatetab Kamuktaindet kondoen kosubetab tetutikab kaniset, anan agot ko wendietab kanisa. Noto ko iyan igochi Kristo komoswek tugul che bo sobeng'ung' kondochi!

Chang' komoswek eng' Bukuit Ne Tilil che iboru kole, kiy age tugul ne metiakyi Kamuktaindet, ko yome oindet koboisien kong'em ole itokyinigei! Ineet ge itiakyi Kamuktaindet tuguk che iyaei, katunisieng'ung', mung'areng'ung' ak tuguk tugul che tinyin. Ye iyaei kou noto isiche kimnatet ing'etii sirimok alak tugul, ak kobet ole bunu bunyot kochutyin anan kong'em.

MAONATET NE KIMWACHIN GE

Rani atiakyni Kamuktaindet sobenyun tugul. Tuguk tugul che awendi ayaei, ko amu eng' torornatenyin. Ya anaisie Kamuktaindet tetutikyuk, ageni kasuldaet ne ititaat.

TESETAB SOMANET

Kalewenaik 16:3

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 24:28-26:35

www.goodnewsdailydevotional.com



Betutab Ang'wan, Arawetab Tai 9

EPCHIN IT MUGULELDANG'UNG'

Jeremia 17:9

Kaberberindet muguleldo kosiir tuguk tugul, ak ko ya mising': ng'o ne imuchi konai?

Mwaet kole epchin it muguleldang'ung', anan isub muguleldang'ung' ko naatin mising', nganda imuchi koek nyasutyet kenai kele, mamitei eng' sirutikab Bukuit Ne Tilil, ago ma toretin eng' bandang'ung' ak Kristo! Ng'alalet ne u noto keboisien eng' tugukab ng'ony kou tienwogik, ago ichuchuchi kimnatet ne kiinde Kamuktaindet oring'ung'. Sirutietab rani komwaei kole sirei tuguk tugul, ama alak kobaten sirei tuguk tugul, kaberberisietab muguleldo.

Ko I lakwetab Kamuktaindet ko ma nyolu ichamji muguleldang'ung', kondochi tetutikab sobeng'ung anan ko atebeng'ung', eng' kasartab uindo. Kaberberindet muguleldo ago ngot iepchi it, imuchi igochi ge tetutikab bunyot. Kobaten inkondoun Tamirmirietab Kamuktaindet, ye ibune uinwekab ng'ony. Inetkei isub Kiptaiyat ak ng'olyondenysin kityo, ak isop sobet ne matinye kasutik ak kandoinatetab muguleldo!

MAONATET NE KIMWACHIN GE

Aesioi kaberberisiet ak aleweni kondoiwa kityo Tamirmirietab Kamuktaindet. Tulwet age tugul ne tononi eng' tainyun rani, kobutoksei eng' kimnatetab Jesu. Awendoti eng' kandoinatet ne bunu barak, atuoti tuguk che teron koboto tetutikab bunyot. Nenyu kabelisiet eng' kainet ne toror ne bo Jesu! Amen.

TESETAB SOMANET

Tienwogikab Kalosunet 32:8

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 27-29

www.goodnewsdailydevotional.com



Betutab Mut, Arawetab Tai 10

KIGIUS AMA KIBOIBOENJI

Galatiek 1:10

Tos agoigoi nguno bik anan Jehovah? Anan acheng'e abaibai bik? Ngot ko ta aboiboi bik, ko ma a otwogetab Kristo.

Eng' rani ko chang' che yome kobaibai bik kole si kecham anan ko naak. Ago eng' betusiekab keny, ole o eng' che kiyoktoi, maotik ak bik alak che konyitotin eng' Bukuit Ne Tilil, ko kigiuis ichek mising', amu eng' kayanenywa nebo Kamuktaindet! Nganda kenaak mising' ko ma kiy ne ya, ko machei inaage kobun boisiet ne kiyai eng' bortab Kristo.

Kisir Paulo bukuisiek che chang' eng' arorutiet ne leel, ye kimi eng' korgoretab Romanik. Kigiuis ak kesas Jeremia agot bik che tupcho, egosiek tugul amu eng' maonatenyin. Kisir Johana bukuitab Ng'ang'utiet, ye kiratat eng' emet ne kiikwen beek ne kiguure Patmo. Nganda kibun uinwek bichoto tugul eng' Bukuit Ne Tilil, ko ng'etunot tuguk che kiyai ichek eng' elfusiekab kenysisiek! Bandang'ung' ak Kamuktaindet, ko ma kabeletab ge kenayak, kobaten noto ko kasarta iyai kit ne walei sobonwekab bik milionisiek che betyotin. Yai che echen che magimuchi ketuptup eng' kokweng'ung', ole iboisie, anan ko ole isomane. Lewen rani iyachi Jesu Kristo walet!

MAONATET NE KIMWACHIN GE

A tetat awal sobonwek. Baoriani emotinwek konunotiotab Kamuktaindet eng' orinyun, ago anaat eng' Kipsengwetisiek. Eng' chametab Kamuktaindet aterteri uinwek, ak atokiyini sobonwek che chang' konyor soronet. Amwaitoi walet agobo bounatenyin eng' kainetab Jesu. Amen!

TESETAB SOMANET

1 Tesalonikek 2:4

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 30:1-31:42

www.goodnewsdailydevotional.com



Betutab Lo, Arawetab Tai 11

MAMI KIT AGE KOBATEN IMANIT

Johana 17:17

Itilil ichek eng' imanit: imanit ng'olyondeng'ung'.

Mamitei sirutiet eng' Bukuit Ne Tilil, ne yome kobarta kole mitei Kamuktaindet, amu noto ko imanit! Ngot ko meyani, ko tien ge icheng' ak iboru kit ne ter. Banda eng' Kamuktaindet anan ko eng' ortinwekyik, inetkei ne metieme imanit; kobaten iboisien imanit. Eng' ole kiyaen mazoezi ko metieme iswe ngo, aniboisien kiloisiej che chang' kotechoksei borto. Ichute ingen ile yaaksei kou noto! Mechute itiem kiloisiejchoto kobaten ichute iyai kit ne ingen agobo mazoezi.

Mwaet kole, "Ngot ko Kamuktaindet, ko nyolu kosobon," anan ko "Asae aswa ngo wolu Kamuktaindet" tugul ko ng'alalet ne mi kanisa. Ye ingen ile Ng'olyotab Kamuktaindet ko ma kiy age tugul kobaten imanit, ko isto ge anyun che meyani! Wendoten eng' imaninoto rani, ak igeere kaimutik che kinamjin ge, koisto ge kou mwaita ne kagitil ak rotwet ne lole!

MAONATET NE KIMWACHIN GE

Ng'olyotab Kamuktaindet ko imanit! Eng' ng'olyondonoto mawalaksei, ang'ate kaimutik tugul koisto ge NGUNI eng' kainetab Jesu! Katiaget eng' otwognatet tugul ko nenyun; rong'u ge kosobet eng' bortanyun. Maisuldai karik alak tugul che keyae kong'eman, ak agikyini ng'elyepta age tugul ne kirindoin eng' kiruoget. Awendoti eng' mieindo, berurto ne nyitat, ak borotet ne kikwong'en. Abaoriani ye igesu ge betut, eng' kainetab Jesu!

TESETAB SOMANET

Johana 14:6

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 31:43-34:31

www.goodnewsdailydevotional.com



Betutab Tisap, Arawetab Tai 12

RIPSETAB BAORINIK ENG' KAMUKTAINDET

Taunet 12:3

Ak aberuri ichek che iberurin, ak achube agot ne sasin: ak kiberuri ortinwek tugul che bo ng'onny eng' inye.

Eng' imanitab butikab ng'atutik ak ripsetab ng'atutik, ko mi kit ne kiguren ripsetab baorinik! Ripsonato bo baorinik keguren WITSEC eng' America, ago ribei baorinik ama king'em. Eng' ripsonito kegonin kainutik che ter si kounyin amaityin bunyot. Toreti noto baorinik kotiach baornatet, ko matinyei kaiyweisietab ng'emisiet.

Ko I lakwetab Kamuktaindet ko I baoriatab torornatenyini! Ye kiityakyi inendet sobeng'ung, ko eng' yoto inyoru waletab kainutik, ak eng' noto kiwis konyekab bunyot. Ichek che kiyachi boriet Abraham baoriatab torornatetab Kamuktaindet, ko kigiyakyi ichek mugetut, ak ichek che kiiberur inendet ko kigiberur agichek. Eng' noto aginye, imitei eng' ripsetab serikalitab Kipsengwet bet ak kemoi. Baorian eng' katiaget agobo chametab Kamuktaindet, ingen ile mang'emini chi age tugul. Itiaget eng' kaiyweisiet, ago manamin oindet nguno!

MAONATET NE KIMWACHIN GE

Amitei orit eng' ripsetab baorinikab Kamuktaindet. Tos aywei nee? Kigetuptup kainutikyuk che kitai, ak kiwis konyekab bunyot koistoeng sobenyun! Matinyon kiy eng' ripsetab Kamuktaindet. Mutyon malaikaisiekyik ago indoena mieindanyin. Ang'ate nyiganatet abaorian agobo mieindab Kamuktaindet, angen ale maityon ng'emisiet age tugul. Awendoti eng' kalyet, kabelisiet ak nyiganatet ne magitumdumi. Wendi sobenyun komie kong'eeten rani. Haleluya!

TESETAB SOMANET

Romanik 8:31

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 35:1-37:24

www.goodnewsdailydevotional.com



Betutab Tai, Arawetab Tai 13

KOSIRTO CHEBO OMT

Isaia 43:18-19

Amat obwat tuguk che bo tai, amat ogererji met tuguk che bo keny. Ogeero, ayae kit ne leel; biitu anyun nguno; tos monae? Ayae oret eng' ong'atet, ak ainosiek eng' surkwen.

Memuchi iwal omut, kobaten imuchi iyai kiy rani ne imuchi kowal betung'ung' ne nyonei! Nganda memuchi iwal kachililitik che kigosirto, imuchi rani ichopchigei boroinwekab walet eng' ole itokyinigei. Yaei Kamuktaindet tuguk che leelach, ago boisieng'ung' iepchi itugenyin! Iyan ile tinye Kamuktaindet boisiet eng' sobeng'ung'! Imuchi ko kigisichin eng' oret ne ki manyolu, kobaten matesetai koigeny. Imuchi ko kigotabanin ak koesien bik, kobaten magoi koesien Kamuktaindet. Kigonin anyun tuguk che yamei isuldaen boroteng'ung' ko tomo agot kesichin.

Inetkei imete che bo let eng' LET! Mat ichamji kachililituguk kotononji sobeng'ung'. I chi ne leel eng' Kristo, kigosirto che bo keny, ak kowalak tuguk tugul kolelagitu. Ratutik alak tugul che kiiboti kong'eete keny, ing'etii nguni.

MAONATET NE KIMWACHIN GE

Kiyai Kamuktaindet kit ne leel eng' sobenyun! Ma komitei sobenyun ne bo keny; kosirto che bo omut. Haleluya! Ang'ate katiaget ne rondo ge berurta. 2025 ko ibwan borotenyun ne nyonei eng' kainetab Jesu! Amen.

TESETAB SOMANET

2 Korintoek 5:17

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 37:25-40:8

www.goodnewsdailydevotional.com



Betutab Aeng', Arawetab Tai 14

KIMNATET ENG' NAET

Hosea 4:6

Kigeng'em bikyuk amu matinyei naet: amu kiiesie naet, aesioin agane, si ma iegu tisiindet eng' ane: amu kiiutie ng'atutikab Kamuktai deng'ung', autie agane lagoguk.

Imuchi konyasin inai ile Kristianik che chang', ko tomo konaam koboisien tuguk che kimetewech Kristo eng' Ng'olyondenyin. Noto ko eng' amunee ne nyumnyum, ak noto ko chang' che ma somani sirutik kipkoi! Wolutietab uinwek tugul che itinye rani ko mi eng' Ng'olyondanyin, ago ye mesomani sirutik itesetai ak uinwek, kou chi age tugul ne maiyani Kristo. Mwawech Kamuktai ndet kole king'eme bikyik amu matinyei naet, ama kele tinye kimnatet oindet, anan agot kele yaei tengekto bikyik, kobaten matinyei ichek naet eng' imanitab tugukab tamirmirik.

Ni ko kenyt ne mi eng' maonatet, kobaten machei Ng'olyotab Kamuktai ndet, imanit noto si kobiit kosulda. Kong'eete rani itilu inaan isoman Ng'olyotab Kamuktai ndet betusiek tugul, ak ichamji kimnatab walet ne mi eng' sirutik, kowalin ye isomani ng'olyot age tugul.

MAONATET NE KIMWACHIN GE

Atinye Ng'olyotab Kamuktai ndet! Borotenyun keniyini, ko tiengei naenyun ne bo Ng'olyotab Kamuktai ndet. Ang'ate kaguiyet ne mi barak, naet, ak ng'ang'utiet ne bunu Ng'olyotab Kamuktai ndet eng' sobenyun. Ataache kimnatet ne bo kwong'et, kayanet ne tononot, ak chametab Kamuktai ndet ne mamitei kiwatosiek. Ageere kayomisutikab Kamuktai ndet kosuldai, ago abaoriani agobo mieindanyin, ak kimnatenyin eng' sobenyun kong'eete rani! Amen.

TESETAB SOMANET

Hebranik 4:12

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 40:9-42:28

www.goodnewsdailydevotional.com



Betutab Somok, Arawetab Tai 15

ME CHI NE ONE MAGUTIKAB SOBET

Galatiek 2:20

Kigigartata koboto Kristo; ago asobe; ago ma ko ane, ago sobei Kristo eng' ane: ak sobondo ne asobe nguno eng' borto asobe eng' kayanet ne mitei eng' Weritab Jehovah, ne kichama, ak kiigoitogei agobo ane.

Manyo Jesu kosuldaen magutikab sobeng'ung'! Nganda kilosu ak keboiboenjini ye isuldaen magutikab bik eng' betut age tugul, ko kaguiyet ne mi ng'ony noto agobo ole iborundo sirutik boisietab Kamuktaindet eng' sobonwekyok. Masobei Kamuktaindet kosuldaen magutiguk, kobaten inye ne sobe isuldaen magutikyik. Ko I lakwetab Kamuktaindet ko nyolu iguiye ile inendet ko Kiptaiyandeng'ung'!

Ityiin ole iyanjindos komie magutiguk, ak magetab Kamuktaindet eng' sobeng'ung'. Kiityi Paulo ole kimwa inendet kole, "Ma ko ane ne asobe, kobaten Kristo ne sobe eng' orinyun!" Amu kiiguiyo inendet kandoinatetab Kristo eng' sobenyin, kosich ine kimnatet komwa kole, Kristo ne kiisuldaen magutikyik eng' inendet. Me chi ne one magutikab sobet, isobe isuldaen magutikab inendet, ne kisorun eng' eunekab bunyot!

MAONATET NE KIMWACHIN GE

Kamuktaindet ko Kiptaiyatab komoswek tugul che bo sobenyun! Magutikyuk ko magutikyik. Aberurot atononji Kamuktaindet, ak agimitu si asuldaen magenyin. Imutoton boisienyin, indoiywa tamirmirienyin, ago ami eng' ripsetab chamyenyin. Asobe si atoror inendet eng' tugul che ayaei!

TESETAB SOMANET

Kolosaik 3:3-4

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 42:29-45:15

www.goodnewsdailydevotional.com



Betutab Ang'wan, Arawetab Tai 16

NOMU KIMNATET SAET

Pilipik 2:13

Amu Jehovah ne boisie eng' okwek si omach, ak oboisie agine, agobo magennyi ne mie.

Saet eng' milionisiekab Kristianik eng' ng'ony, ko ki koek kit ne matinye kamanut, ne kimwae kityok ko tomo keru anan kiamisie. Loitunot nito kosir ole maktoi Kamuktaindet! Eng' Bukuit Ne Tilil ko mwaei Kamuktaindet kole saet konyolu keyai eng' kasarta age tugul nebo betut. Ngo imi oret iwendi boisiet, iomisie, anan agot igeere television, ko mamitei kasarta ne lelut kesa!

Sirutietab rani kong'alalen boisiet ne tesetai eng' inye, ne konin kamuget imieitu eng' Kamuktaindet. Mat iesie kachuutet ne bunu Kamuktaindet, kochuutin isa. Ye iesie ko machei inai ile mitei kit na ichuutin iistoege saet. Ingen oindet kole mitei kimnatetab walet ye otutosi ge ak tugukab Kamuktaindet, ago eng' noto ko yaei kiy age tugul, kogeer kole koteerin si meyai kou noto! Iguyen kimnatet ne mi eng' saet, ak ibaorian sirimok kororoktoi kou kalyang'ik!

MAONATET NE KIMWACHIN GE

Ye asae nguni kobwanjin bounatet sobonwek, ago walaksei kandoikab emet. Mitei kimnatet eng' saet, ago kiy age tugul na ang'ate kosuldoi! Yaaksei magutikab Kamuktaindet eng' ane, ago isuldoi anyinyindanyin ne mie eng' komoswek tugul che bo sobenyu. Haleluya!

TESETAB SOMANET

Jakobo 5:14-16

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 45:16-48:7

www.goodnewsdailydevotional.com



Betutab Mut, Arawetab Tai 17

KIT NE IGENI OTWOGINDET

Isaia 54:16-17

Keero, kiayai kitang'indet ne kuutei matab neseke, si kobiit karnet ne bo boisiennyi, ak kiayai ng'emindet si kong'emis. Magiberuri karnet age tugul ne kiyaei si kogirinden; ak igikyini ng'elyepta age tugul ne kirindoin eng' kiruoget. Nito borotetab otwogikab Jehovah, ak imandanywa ne bunwa, mwaei Jehovah.

Eng' Sirutik, komwaei Kamuktaindet komie, tuguk che nyolu konyorji ge otwogikyik eng' soboni! Agot eng' nito ko chang' Kristianik che matinye kelunoichoto, eng' sobetab betut age tugul. Tesetai kou noto amu, chang' che tomo kosoman sirutik komie, ak koguiyo borotenywa eng' Kristo! Tuguk tugul che kigonin Kristo eng' kasarta ne kiiyan inendet kondoun, ko siratin komie eng' Sirutik. Chut orit komie rani ak iwendote eng' imanit ne kigegonin.

Ko I lakwetab Kamuktaindet, ko mamitei karik che imuchi kong'emin, ak age tugul ne itaamin eng' kapkiruok, kegeere inendet kou kiplembechwet! Nito ko kit ne nyolu kogeni otwogikab Kamuktaindet. Esien tuguk che mi ng'onny ak inaam isop sobet ne teer eng' keniyini!

MAONATET NE KIMWACHIN GE

Mamitei karik che imuchi kong'eman anan kong'em gonyun! Ichek che itaaman, kegeere ichek kou kiplembechonik. Atononot eng' ng'olyot ne maesioksei ne bo Kamuktaindet, ak eng' ripsenyin ko maimuchi koityon boriet. Kayomisutikab Kamuktaindet ko long'eenyun, tononenyini ko toloitanyun, ago tetutik alak tugul che bo bunyot kiwise! Amen.

TESETAB SOMANET

Johana 10:28-30

CHERSET KESOMAN BUKUIT NE TILIL ENG' BETUSIEK 365

Somanetab rani: Taunet 48:8-50:26; Komong'u 1

www.goodnewsdailydevotional.com



Betutab Lo, Arawetab Tai 18

KAMANUTIETAB KOTIGONET

Hebranik 12:6

Amu inendet ne chamei Kiptaitaiyat, kotigoni, Ak kobirei werit age tugul ne taachei.

Chi ne ya mising' ne inyooru, ko chi ne sasei kotigonet! Sirutietab rani komwaei kole, itigoni Kamuktaindet ichek che chamei. Imitei ole ya mising' ngot ko maimuchi kotigonin mestowondeng'ung', anan ko ne kiyoktoi, anan ko maotiot, anan ko kandoindet age tugul ne bo Kamuktaindet. Kotigonet kogonin kasarta igeer uinwekab sobet, eng' konyekab chi ne imuchi kongen komie ng'olyot ne tinyegei ak sobeng'ung'.

Kiinde Kamuktaindet kandoik kebeberwek che terjin, ago boisienywa ko kotoretin! Mat ichamji menotet koteerin kot ko meswe lelutik che itinye, anan ko komoswek cha makyin ge walet. Ne kata inereechi, inetkei itaach kotigonet ak eng' yoto igeere kowalaksei mising' bandang'ung' eng' Kamuktaindet!

MAONATET NE KIMWACHIN GE

Ataache kotigonet! Mestowek ak kandoik ko mi eng' komoswekwak kotoretin. Ma nereechi ye mache kotoretin kandoindet eng' ole keere kole ayae lelut. Abaibaenjini naet ak kandoinatet angen ale toretin eng' yetunatet. Eng' kotigonet agimitu, alitoksei ak keityine ak maget ne litit ne bo Kamuktaindet. Ang'ate ale kotigonet age tugul ne anyoru ko kanapton awo barak ak anyoru kasyinet ne kim eng' Kamuktaindet. Haleluya!

TESETAB SOMANET

Kalewenaik 12:1

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 2:1-5:9

www.goodnewsdailydevotional.com



Betutab Tisap, Arawetab Tai 19

AGAIGAI GE

1 Samuel 30:6

Ak kiimgei mising' Daudi, amu kimwa bik kole kilache inendet eng' koik, amu kiarogenso sobonwekab bik tugul, kiarogen chi age tugul agobo werikyik ak tibikyik: ago kiigimitgei Daudi eng' Jehovah Kamuktaindenyi.

Eng' Bukuit Ne Tilil ko kinyor Daudi boriosiek che chang' eng' tamirmiriet ak eng' borto. Eng' kasarwechoto tugul, ko macheng' kagaigaet eng' chi age tugul kobaten Kamuktaindet inegei. Togu komie eng' tienwogikyik bo kalosunet kole, tuguk che kibun eng' kasarwek alak ko kitang'em sobenyin ak bounatenyin. Ago eng' kasarwechoto tugul ko kiigaigai ge eng' chamnyet, ak katabanetab ge eng' Kamuktaindet.

Ko I Kristianindet iwendote eng' imanit kole, tuguk tugul che imakyinige komi eng' Kamuktaindet. Ye ibun bichiinwek eng' sobeng'ung', ko mat ikeer ko metinye toretet kobaten, igeitun Daudi ak imwa kole, "Maywei yaitio, amu imi kobota." Ye tiem bunyot komus kalyeng'ung, itonon eng' Ng'olyotab Kamuktaindet. Igaigai ge eng' Kamuktaindet rani ak itestai iwe tai!

MAONATET NE KIMWACHIN GE

Angen ole abo. Abo Jehova ne mi barak Kipsengwet, ago mi tamirmirienyin orinyun koigeny. Anyoru kimnatet ak nyiganatet eng' Kiptaiyat, angen ale uindo age tugul ne anyoru, ko boroindo kobarta ge kimnatenyin eng' sobenyun. Abelisiei, anyoru kimnatet, ama teron kiy, ama egu kiy age tugul betunyun kobaten, mieitu eng' kainetab Jesu! Amen.

TESETAB SOMANET

Tienwogikab Kalosunet 13:1-6

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 5:10-8:15

www.goodnewsdailydevotional.com



Betutab Tai, Arawetab Tai 20

KIT NE NYOLU IYAI KO ITEEB

Johana 14:13-14

Ak kit age tugul ne osome eng' kainennyu, ayae, si kegonyit Kwanda eng' Werit. Ngot osom kiy age tugul eng' kainennyu, ayae kioto.

Mieindab sirutietab rani kenyonu eng' kaguiyet ne mi orit. Ingomwa kole 'teeb', ko ma mwa kole kesa si koyai Kamuktaindet. Kobaten mache imakyigei, iteeb, inyorjigei tuguk che imache kosulda! Ye imiani ko meywei kobaten mwa ile, "Eng' kainetab Jesu anyorjinige kasobenyun." Ye metinye fedaisiek ko merir kou ichek che maiyani Kristo, kobaten mwa ile, "Eng' kainetab Jesu anyorjinigei mogornatosiekyuk!"

Kou ye nyonjin lakwet sigikyik ak koteeb kialji kit ne urerenen eng' ole kialdoisien, ama iywei kole kiesiechin, ko nyolu aginye inyonji Kamuktaindet, ak iteeb kit ne imache. Tinye chamnyet ak kamuget kosiir agot sigindet ne igile ge mising'. Mache Kamuktaindet kotoretin, kit ne nyolu iyai kityo ko iteeb.

MAONATET NE KIMWACHIN GE

Anyorjini ge weegetab ge eng' komoswek tugul che bo sobenyun, amu kigonon Kamuktaindet tuguk tugul aboiboenji. Ang'ate ale awendoti eng' mieindab borto, ak anyorjini ge tuguk tugul che amakyinige. Eng' kimnatetab kainetab Jesu ang'ate magutik tugul eng' sobenyun, kobwanjon ak kosulda tuguk tugul che miachen! Amen!

TESETAB SOMANET

1 Korintoek 3:21-23

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 8:16-11:10

www.goodnewsdailydevotional.com



Betutab Aeng', Arawetab Tai 21

NG'ETUN ENG' INENDET

Johana 15:4

Omenya, ak amenyok. Ko u ye maimuchi temet koi logoek inegei, ngot ko mamenyei ketit; ko momuchi ak okwek, ngot ko momenya.

Kabwatet kole nyolu ing'etu eng' Kristo, si kobit kotestai kwong'utik eng' sobeng'ung', ko naat ago mwaat mising' eng' ng'ony, nganda chang' che ma iguitos amune si ko yaakseï kou noto. Si koyaak kou noto ko eng' kit ne nyumnyum; ye I lakwetab Kamuktaindet, ko tetat isuldaen borotet. Mwawech Bukuit Ne Tilil kole, chute ge tuguk tugul komie eng' ichek che iyani inendet!

Eng' noto anyun ko iniistoe ge tugetab Kamuktaindet eng' sobeng'ung', ko keiste ge eng' mieindo ne kiindeun, eng' kasarta ne kiitach inendet. Kigiyain iyi logoek! Ye kiimong'une bounatetab mesundeito, ko kiinyorji ge anyun sobet ne nyumnyum! NG'ETUN ENG' INENDET!

MAONATET NE KIMWACHIN GE

Rani ko betut ne bo yietab logoek. Menye Kristo orinyun; imuktoi ge ano ko ma tesage? Amwae ak ang'ate ale nyoru tetesab tai, komoswek tugul che bo sobenyun. Kabwatutikyuk, boisionikyuk ak ng'alekyuk, ko chutegei ak magetab Kamuktaindet ak anyoru wolutik eng' chang'indo. Nyon yietab logoek NGUNI, eng' Kainetab Jesu! Amen.

TESETAB SOMANET

Romanik 8:28

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 12:1-14:20

www.goodnewsdailydevotional.com



Betutab Somok, Arawetab Tai 22

ILAAL TAIT KOGENY

Tienwogikab Kalosunet 119:105

Taitab kelyekyuk ng'olyondeng'ung', Ak lapkeiyetab orennyu.

Sirutioni ko mi eng' kwenutab mesundeito, ago eng' milionisiekab bik eng' ng'onny, ko nymnyum kegas ko mamitei toretet. Eng' Bukuit Ne Tilil kegeere Ng'olyotab Kamuktaindet ko lapkeiyet, ago ye I lakwetab Kamuktaindet ko ma nyolu ichamji ge, igas ko mamitei ole itokyini ge. Ye inaaam igas ko mengen ole itokyini ge, anan iwendi amengen ole iwendi, ko noto anyun kasarta ilaal tait kogeny!

Uinwek che chang' che inyorjini ge eng' sobeng'ung', ko amu mechamjjini lapkeiyetab Kamuktaindet kondoun. Chamjin Ng'olyotab Kamuktaindet kondoun eng' bichiinwekab sobet. Chamjin Ng'olyondenynin ne tynye kimnatetab walet koborun ole itokyini ge rani!

MAONATET NE KIMWACHIN GE

Sobenyun ko tynye ole tokyin ge; magoi abet! Alali taisiek tugul chebo sobenyun, aboisien Ng'olyotab Kamuktaindet. Ang'ate ale indochin bandanyun naenyin, ago ikwenyi orenyun imanitab Kamuktaindet. Uindo age tugul ko tuitos ak wolutik, ago ng'emisiet age tugul kewolen lapkeiyet. Awendoti eng' nyiganatet ne magitumdumi, ang'en ale indoiwa Ng'olyotab Kamuktaindet kotugul. Amandoi mesundeito age tugul ne iime gonyun, eng' kainetab Jesu! Amen.

TESETAB SOMANET

Tienwogikab Kalosunet 18:28

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 14:21-17:16

www.goodnewsdailydevotional.com



Betutab Ang'wan, Arawetab Tai 23

TIENDO NE KARARAN

Luka 22:32

Ago kiasa agobo inye, si mabek kayaneng'ung': ak ye kaiwalage, igimit che otupche.

Mitei kayumetab ge ne bo tuguk che kibutei, che bo tienwogik che kituitos kou kibugandet, sugunonik, sugutisiek, sanisiek che bo sugunonik ak alak, ago eng' yoto kotuitos ge tienik che sirei bogol. Nganda kit age tugul ne kibutei eng' tiendo kotinye cheywet ne ter, ko ngituiyo tugul kocheru tiendo ne kararan! Kou eng' tiendo ne u noto, ko nyolu kotuiyo ge Kristianik koborien yaiyo eng' ng'ony.

Ko I lakwetab Kamuktaindet, ko nyolu inai tetutikab Kamuktaindet eng' sobeng'ung' ak che bo Kristianik che mi koboten. Mwawech sirutietab rani kole mitei kimnatet, ye isaachi che otupche eng' Kristo! Eng betusiechu bo let ibwaat igimit bik alak eng' soronet. Wendoten eng' tamirmirietab kibagenge ak chamnyet, eng' bik che omi tugul rani, agot nda maityindos bandang'ung' ak nenywa!

MAONATET NE KIMWACHIN GE

Angen boisienyun eng' tieni kararan! Asachini Kristianik eng' ng'ony, kobendat kotugul eng' tetutikab Kamuktaindet, agobo Kristianik tugul eng kainetab Jesu! Amwae ale kimi kibagenge, eng' kimnatet ak kabelisiet, keboisieie tugul kisuldaen boisietab Kamuktaindet eng' ng'ony. Kemi kibagenge kibortoi torornatenyin, ak kiyapte lapkeiyenyin kwo komoswek che mi eng' mesundeito. Haleluya!

TESETAB SOMANET

1 Korintoek 12:12-13

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 18:1-21:21

www.goodnewsdailydevotional.com



Betutab Mut, Arawetab Tai 24

TAGETAB LAPKEIYET NEBO ETUNET

Tienwogikab Kalosunet 119:130

Igoitoi lapkeiyet ng'ang'utietab ng'aleguk; Ing'omiti ne abusat.

Kit ne makyin ge ketik si korut, ko lapkeiyet! Ibwat ole boisioitoi ketik: ichuute koristo eng' barak, ak beek eng' ng'ung'unyek ak koboisien asista kowal tuguchoto tugul, koek amitwogik ak koristo ne kibuse. Boisien amitwogichoto ketik eng' etunenywa, ak kogonech koristo ne boisien borwekyok.

Ye igochini Kristo sobeng'ung', ko kelumde toloita ak keswek che bo borotet, ago kou ketik imakyinige lapkeiyet eng' etuneng'ung'! ye isomani sirutik, kochute tamirmirieng'ung' lapkeiyetab Ng'olyondenyin, ak inyoru etunet ne nyolu eng' sobeng'ung'. Ko I Kristianindet ko nyolu ingen kimnatetab walet, ne mi eng' Ng'olyotab Kamuktaindet rani, ak eng' yoto inyorji ge etunet na mamitei ne kergeri.

MAONATET NE KIMWACHIN GE

Nito ko kenyit nebo etunetab tamirmirienyun. Amaoteni yamdaet ne mi barak ak Kamuktaindet eng' Kainetab Jesu! Ang'ate ak amwae ale ikwenyi orenyun Ng'olyondenyin, ago aetu eng' naet, kimnatet ak chametab Kamuktaindet. Nere tamirmirienyun ago walaksei sobenyun eng' lapkeiyenyin. Haleluya!

TESETAB SOMANET

Tienwogikab Kalosunet 119:105

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 21:22-25:9

www.goodnewsdailydevotional.com



Betutab Lo, Arawetab Tai 25

KAGOITOET KOTERE KANAFTAET

Jakobo 4:17

Eng' inendet anyun, ne ingen koyai ne mie, ama yaei, ko tengekto eng' inendet.

Kagoitoet koteere berutang'ung! Iboisiechini Kamuktaindet ne bo boisionik ago ko l lakwenyin, ko ma nyolu igochi ge boriosiekab bunyot, amu menaam iyai kit ne mache Kamuktaindet iyai! Eng' somanetab rani ko kamwa sirutiet kole, ye ingen iyai ne mie, ame yaei, eng' yoto ko tengekto eng' inyendet!

Bik che echen eng' Bukuit Ne Tilil ko naatin eng' Kipsengwet, amu kitil ichek koyai kit ne kimache Kamuktaindet. Ibwati ile tos ne ne kiyaaksei nda kigaigoito Daudi baretab Goliat? Anan nda kimamanda Musa eng' Misri, ak kotestai kong'et lagokab Israel eng' otwognatet? Ye menaam iyai kiy ko menaktai, ama inyegen kityo kobaten agot kokweng'ung'! Kiindein Kamuktaindet ole mie si kobit isulde, ago tien ge anyun iswe iboisie anan achicha. Kenyini ing'etie kagoitoet age tugul ak inaam inakte.

MAONATET NE KIMWACHIN GE

Ayaei tuguk tugul che mwawon Kamuktaindet rani. Eng' chamenyin atinye kimnatet, aib kakwautik che nyolu. Ago eng' noto ang'etie kagoitoet age tugul, ago awendi tai eng' nyiganatet ak kayanet. Maweksei let eng' yaetab che miach, ago aone kagoitoet komanda eng' sobenyun nguni! Amen.

TESETAB SOMANET

Esra 10:4

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 25:10-27:21

www.goodnewsdailydevotional.com



Betutab Tisap, Arawetab Tai 26

AMU NEE SI IRIRJA?

Komong'u 14:15-16

Ak kilenji Jehovah Musa, Amu nee si irirja? Ilenji lagokab Israel koba tai. Ak inamji barak siaring'ung', ak ichuul eung'ung' itokyi nyanjet, ak ipcheune aeng': ak kobun lagokab Israel kwenutab nyanjet, kobun emet ole yaamat.

Kit ne ui eng' milionisiekab Kristianik ko, kanye ichek Kamuktaindet koyai kiy. Ago ne kimetechi ichek Kamuktaindet tuguk tugul, che imuch koboisien kosuldaen Ng'olyondenynin eng' sobonwekwak! Ye musok tuguk, ko chang' che rirjin Kamuktaindet komwae kole, "Ami ole ya. Ing'etii sirimok!" Ago keerin Kamuktaindet kokwong'e kole amu nee si meboisien Sirutik.

Kiityi Musa Nyanjet ne Birir ak kogeer beek eng' tainyin, ak bikab Misri kosubi ichek, ak kirirji inendet Kiptaiyat. Kiwo! Kamuktaindet kole, "Amu nee si irirja? Pchei nyanjet!" Kiingen Kamuktaindet kole kimnatet ne kiindechi Musa, ko kiyamei konyorune kabelisiet. Musa kityo ne ki tomo kowendote imaninoto. Mat ikany Kamuktaindet koyai kiy; konyin iboisien Ng'olyondenynin!

MAONATET NE KIMWACHIN GE

Eng' nyiganatet anaami kandoinatenyun, ak amwae ale betuni ko betutab ne kibendi tai. Eng' kimnatetab Kamuktaindet ne mi orinyun, aterteri uinwek tugul ak awendote eng' kabelisiet. Anaami nguni ago amaoteni Kabelisiet ne litit! Haleluya.

TESETAB SOMANET

Luka 10:19

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 28-29

www.goodnewsdailydevotional.com



Betutab Tai, Arawetab Tai 27

INE NE WALEI TAI AMA WALAKSEI

Jakobo 1:17

Kagoitoet age tugul ne mie ak konunotiot age tugul ne igesunotgei ko bo barak, chorugei eng' Kwanda ne bo lapkeiyosiek, ne mami eng' inendet kit ne walaksei, anan ko uruet ne bunu waletab ge.

Kelunet agenge ne itinye ko I lakwetab Kamuktaindet, ne matinye ichek che mi ng'ony, ko ripset ne mi eng' chamenyin ak chamyenyin! Kimi eng' kasarwek che boisie oindet mising', koyome koteer bik si mameto bounatetab mesundeito ak kobwanji bounatetab lapkeiyet. Ma tononot emet eng' kasarwechu kosiir kasarwek alak, kong'eeten emotinwek che wolowoli ge ak kabutetab bounatosiek!

Eng' choto tugul kobarwech sirutik kole Kamuktaindet ne kiboisiechini ko ine ne walei tai ama walaksei. Sirutietab rani koaroru Kamuktaindet ko ine ne mawalaksei, kou uruet ne bunu waletab ge! Nyolu inai ko I lakwetab Kamuktaindet kole, kiindein ole tononot ago walawaletab ge ne bo ng'ony, ko mamitei eng' oring'ung'!

MAONATET NE KIMWACHIN GE

Kamuktaindet ko ine ne walei tai ama walaksei! Eng' Kristo ko a tononot, alumdaat eng' imanda. Mamitei katumdumet ne nyoru ng'ony, ne imuchi konge'man anan kong'em gonyun. Amwae ale sobenyun ko tononot eng' arurutik che mawalaksei, chebo Kamuktaindet, ago awendoti eng' lititindo ak kalyet. Haleluya!

TESETAB SOMANET

Isaia 54:14

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 30-32

www.goodnewsdailydevotional.com



Betutab Aeng', Arawetab Tai 28

SIRE KIY NE MA NG'EMEI KARIK

Isaia 43:2

Ami koboten ye ibune beek che chang'; ak ye ibune ainosiek, ko maimaluuchin; ye ibune mat, ko mabeelin; ama imelin liblibenetab mat.

Ko I lakwetab Kamuktaindet ne sobei, isirei kit ne ma ng'emei karik! Kigitabanin eng' bichiinwekab ng'onnyuni, ak kindein ole maimuchi kong'emin kit age tugul. Ye iwendote eng' kaguiyonito, ko machutin nyogornatet ama imuchi kochuchu kimnatet, ne kiinde Kamuktaindet sobeng'ung'. Nito ko tilunetab Kamuktaindet eng' ripseng'ung'!

Agot eng' kasarwek che metinye fedaisiek, ko matinyin bananda! Agot eng' kwenutab korotwek che yaachen anan ko mianwogik, ko manamin. Nito ko sobet ne magun Kamuktaindet, sobet ne mi barak eng' tuguk tugul. Mitei Kamuktaindet kobaten, wendoten eng' kaguiyonito rani, ISIRE KIT NE MA NG'EMEI KARIK!

MAONATET NE KIMWACHIN GE

Asire kiy ne ma ng'emei karik! Tiletab Kamuktaindet agobo ripsenyu, chametab ge ne bo bortanyun, ak borotenyun ko mi eng' Ng'olyondenynin. Mang'eman karik alak tugul amu mitei Kamuktaindet ne sobe kobaton. Ang'ate ak amwae ale awendoti ama tinyon kiy, ago kiy age tugul ne imuchi kong'eman koisto ge. Ami komie eng' tuguk tugul, ago mutyon chamnyetab Kamuktaindet. Haleluya!

TESETAB SOMANET

Tienwogikab Kalosunet 23:4

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 33:1-35:29

www.goodnewsdailydevotional.com



Betutab Somok, Arawetab Tai 29

ALAGAT AMU ENG' CHE KORORON

Galatiek 3:26-27

Amu okwek tugul ko o werikab Jehovah, eng' kayanet, eng' Kristo Jesu. Amu che te eng' okwek che kigibatsanjok Kristo ko kiolaach Kristo.

Eng' komostab bik che tau kalagutik che terjin, ak kimnatet ne tinyei kalagutik, eng' bik che bo kasibetab tienwogik, ko tos imwa eng' nyiganatet ile iyachini boisiet kalagutikab kayanet, kosir kalagutiguk che bo ng'ony? Mwawech sirutietab rani kole ilagat eng' kalagutikab kayanet, ne noto ko sobetab Kristo! Ko I kayanindet ko nyolu isop sobet ne tilil. Ye ilagat eng' imanda, ko togu eng' ole ilaktoi ngoroik, ak ole keerten bik, ole isoptoi, ole ing'alaldai, ak tuguk che iyae ye mageerin chi. Ye ilaagat eng' Kristo, ko tuguk tugul ko eng' Kristo!

Ye kiiyan Kristo, kewalen sobeng'ung' ne bo kenya, sobetab Kwanda eng' oring'ung'. Sobeng'ung' tugul ko kigiwalen sobetab Kamuktaindet. Ye iwendoti ko nyolu ko Kristo ne wendote. Ye ing'alali ko nyolu ko Kristo ne ng'alali. Amunee? Amu ilaachi sobenyin!

MAONATET NE KIMWACHIN GE

Alagat eng' imanda! Sobenyun ko bo Kristo. Komoswek tugul che bo sobenyun, ko kigiwalen sobetab Kamuktaindet ne sobei. Awendoti ak ang'alali kou Kristo, aletoi chamyenyin, naenyin ak kimnatet. A baornatetab chamyenyin! Amen.

TESETAB SOMANET

Romanik 13:14

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 35:30-37:2

www.goodnewsdailydevotional.com



Betutab Ang'wan, Arawetab Tai 30

KWONG'UTIK TUGUL CHEBO NG'ONY

Tienwogikab Kalosunet 139:14

Aweegun kongoi, amu kigiya eng' oretab kaiweisiet, ak eng' kwong'utiet: Kwong'utik boisioniguk. Ak ingen sobondanyu ng'olyondonoto komie.

Tulonok che eechen koboruech kamugetab Kamuktaindet, koyai tuguk che mamitei ne kergei. Tulwetab Everest koite butisiek elfusiek aeng' ak bogol sogol. Osetab Amazon ne nyitat tuguk che terjin, ago menyie tiong'ik elfusiek che chang', koboruech kimnatenyin koyai kit ne boisie eng' chang'indo. Metitab chito ko tinye tuguk bilionisiek tamanwogik sisit ak lo, che ratarati ge ak trilionisiekab tuguk alak. Nito koboru kimnatetab Kamuktaindet—kimnatet ne kararan mising', ne mamitei chi ne imuchi kogetyi!

Sobeng'ung' koboru yaindet ne mache tuguk che ititaatin. Kiinde Kamuktaindet kamanutiet ne o sobeng'ung'; mwawech sirutik kole kigiya eng' oretab kaiweisiet, ak kwong'utiet! Mat ichamji tuguk che ichuutin ng'ony, kowal kit ne kiguurjin Kamuktaindet. Kwong'utik tugul che bo ng'ony, ko maityin kamanutiet ne kiindeun Kamuktaindet. Inetkei iwendote eng' imanitab kit ne I u eng' Kristo, ago iboiboenjini!

MAONATET NE KIMWACHIN GE

Eng' kwong'utik tugul che bo ng'ony, ko ane ne kararan eng' Kamuktaindet. Angen kamanutiet ne kiindewon sobenyun, tetat borotenyun rani. Matinye kebeberta kabutet eng' sobenyun. Awendoti eng' chamnyetab Kamuktaindet, ak berurto ne materoksei. A yautiet ne kararan ne bo Kamuktaindet, ago abortoi torornatenyin eng' tuguk tugul che ayaei. Kabutet? Ngoro? Imuktoi ge ano? Haleluya!

TESETAB SOMANET

Jeremia 32:17

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 38:1-40:16

www.goodnewsdailydevotional.com



Betutab Mut, Arawetab Tai 31

TUCHON CHAMENYIN

2 Timoteo 1:9

Ne kisoruech ak koguurech eng' kuurset ne tilil, ma ko u boisionikyok, ago ko u magennyi ak mieindanyi, ne kigigonech eng' Kristo Jesu koboch kenysisiekab koigeny.

Itabanin chametab Kamuktaindet! Igochin sobeng'ung' teegisto, etunatet ak katiaget. Ye imi eng' chemetab Kamuktaindet, ko itiatag eng' otwognatetab tengekto, ak nametab kiruoget! Ye kiimete bounatetab mesundeito, ak ichutyi sobetab koigeny eng' Kristo, ko kigituchen chamenyin! Ye ingen ile yomin chametab Kamuktaindet, ko maiimin uinwekab sobet.

Chametab Kamuktaindet ko teknoloji eng' oldab tamirmirik, ne keere kole kesulde ak che omi tugul eng' borotet. Chamanito kosiche kimnatet eng' oringung' koyai sirimokab mianwogik, bananda, wegetab let, kereretab met ak butetab katunisiet, KONG'ETYO eng' kainetab Jesu! Nai ile kigiyaun keniyini, ui anyun ak ibor.

MAONATET NE KIMWACHIN GE

Ko aratat ak chametab Kamuktaindet, amandoi eng' gonyun rani ko a o, ak amie kosir. Kanapton Chametab Kamuktaindet awo barak, ak koyatwon kurgotikab boroindo. A teretab kimnatenyin, abutei kiwatosiek tugul, ak anyorjige che miachen. Ayachini bounatet che kikwong'e, eng' keniyini leel eng' kainetab Jesu! Amen.

TESETAB SOMANET

Hebranik 4:16

CHERSET KESOMAN BUKUIT NE TILIL ENG' BETUSIEK 365

Somanetab rani: Komong'u 40:17-38; Atebetab Lawik 1-4

www.goodnewsdailydevotional.com



Betutab Lo, Arawetab Aeng' 1

OLE IBWATITOI KOU NOTO

Kalewenaik 23:7

Amu u inendet kabwatutikyik: Lenjinin, Amisie ak ieeise; Ago mami muguleldanyi koboten.

Imuchi ingen mwaet kole "Ole ibwatittoi kou noto." Ole igertoi tuguk eng' sobet koboru ole iiptoi tuguchoto, ago ole iiptoi tuguchoto koboru ole iite eng' bandang'ung! Imuchi ko mi ng'ony mung'arosiek eng' emotinwek, ago ing'ung'unyi chitugul kasarwek che uen. Tien ge anyun orirye tugul, anan iegu agenge eng' che keere boroinwek eng' kasarta ne u noto, ak koboisien komie. Eng' kasartab COVID-19 ko kiibet alak fedaisiek, ak konyil alak fedaisikwak. Tos kiigerte ano?

Mwaei sirutik kole kergei chi ak kabwatutikyik! Ole u sobeng'ung', koboru kabwatutiguk. Ngot ko mebaibaenjini inaaam ibwat rani ole imakttoi kotepto sobeng'ung'. Inye ne teeche sobeng'ung'. Inaaam inai ole mi berurto ago nyasin iwendoti eng' berurto. Inaaami igeer boroinwek eng' ole mageere bik alak. Ago ye mwaei kole mitei kabutet, ko eng' yoto ikanaptoi ge iwe barak eng' kainetab Jesu!

MAONATET NE KIMWACHIN GE

A borotet. Akanaptoi ge barak eng' tuguk tugul kou kipsichit, ye wendi barak kosiir usonet. Aboisien boroinwek che ageere eng' kainetab Jesu! Amen.

TESETAB SOMANET

Matayo 19:26

CHERSET KESOMAN BUKUIT NE TILIL ENG' BETUSIEK 365

Somanetab rani: Atebetab Lawik 5-7

www.goodnewsdailydevotional.com



Betutab Tisap, Arawetab Aeng' 2

KATIAGET KILOS

Johana 4:23

Ago nyonei sait, ak kagoit nguno, ye saei Kwanda saik che bo iman eng' tamirmiriet ak imanit: amu cheng'oti Kwanda che u choto koek che saei inendet.

Eng' kasarwek tugul kemache Kamuktaindet koyaiwech kiy, ago ye kigeere eng' sirutiet, ko mitei kit ne cheng'ei Kamuktaindet. Inendet kongen tuguk tugul ago tinye kimnatosiek tugul, ine ko kanamet ak kagesunet kobaten, tinye boroindo eng' orinyin, ne imuchi konyiit kityo kalosunet. Ye isobe amelosu Kamuktaindet ko ieten magutikyik, yeityo imache kowalun magutiguk.

Ye kimeiwach Kiptaiyat Jesu eng' kimurtoiyot, kogerer anget ne kiibesiech ak ole ki tilil kosiir tugul, ak kogonech tetaet keityin Kwanda! Kigonech kamuget keityin ak kibaibai muguleldanyin.

Nde taban magutik ak kaimutigab ng'oniyuni, ak ilosu Laitoriatab Laitorinik. Ib kasarta ne yamat ak inendet, ye mesome kiy age tugul kobaten ilosu inendet. Eng' ui tugul ole imitei, kotiagat tamirmirieng'ung' kolos Kamuktaindet. Boisien anyun boroindo ne kigonin Kamuktaindet, ak igochi inendet kalosunet ne kararan rani.

MAONATET NE KIMWACHIN GE

Ye atokyini konyekyuk kecheretab Laitornatet, alosu Kiptaiyat eng' tugul che kiyai. Kereenyun eng' inendet kotesakseki eng' sobenyun, ago o kosiir uinwek che ageerjini ge eng' kainetab Jesu! Amen.

TESETAB SOMANET

Hebranik 4:16

CHERSET KESOMAN BUKUIT NE TILIL ENG' BETUSIEK 365

Somanetab rani: Atebetab Lawik 8:1-11:8

www.goodnewsdailydevotional.com



Betutab Tai, Arawetab Aeng' 3

CHUT KAMUNG'ENYIN

Hebranik 4:11

Ongigiilge anyun si keit kamuung'onoto, si maibut chi age tugul eng' kergeinoto bo ngelelnatet.

Ye isomani sirutik ko mat ichakte. Ib kasarta ak ichamji kochut orit. Mwawech sirutietab rani kole boisiet ne nyolu keyai ko kechut Kristo. Ye imi orinyin itinye chametab Kamuktaindet, ne konin kimnatet iyai tuguk tugul kotiengei kayaneng'ung'. Mamache ibirte ge amu ma kamugeng'ung', kobaten chametab Kamuktaindet ne boisiei eng' oring'ung'. Chuto ko logoiywek che miach che kiamdoi! Mwaei Paulo kole kibois kosiir ichek tugul, ama ine kobaten chametab Kamuktaindet ne kiboisiei eng' inendet (Korintoek 15:10).

Mwaei Kiptaiyat Jesu kole obwanja, che olae tuguk che nyigisen si amung'wok (Matayo 11:28). Mat ibirte ge. Mata iyaitenge tuguk eng' kamugeng'ung'. Iteu sirutiet kole ngot ko magichut kamung'enyin, keigeitu ichek che kilusyo eng' ong'atet, amu maimuch koyan kole soru ichek Kamuktaindet. Mat isub atebenywan. Igochin nyigisindang'ung', iyan inendet ak ichamji koribin. Chobot kotoretin, imuuny eng' inendet.

MAONATET NE KIMWACHIN GE

Ma ayaitenge tuguk anegen! Agochini nyigisindanyun Kiptaiyat Jesu Kristo. Kaachut kamung'enyin; tuguk tugul che ayaei ko eng' kimnatetab Tamirmiriet ne Tilil! Amen.

TESETAB SOMANET

2 Korintoek 3:5

CHERSET KESOMAN BUKUIT NE TILIL ENG' BETUSIEK 365

Somanetab rani: Atebetab Lawik 11:9-13:39

www.goodnewsdailydevotional.com



Betutab Aeng', Arawetab Aeng' 4

KABWATUTIK CHE LELACH CHE BO KOMPYUTA

Romanik 12:2

Amoyaniege ateptab betusiechu: ago ingewalak eng' kaleelitab kabwatutikwok, si kobiit onai komie maget ne mie, ne tachaksei ak kogesunotgei, ne bo Jehovah.

Tos koinyorchi ge tuguk che makyin ge simoit? Ng'alalet ko choktoi ago teto kwendi ole kimache. Imuchi ko lainit ne ma kerat kobaten, boisei komie eng' oret ne mi eng' ripset (ng'alaletab kutuswek che magigasei).

2 Korintoek 5:17 ko mwaei kole ngo mi chi eng' Kristo, ko kigeyai inendet koek chito ne leel, kagosiirto tuguk che bo keny; ogeero, kagoek che leelach. Kergei ak ne ketuptup kompyuta ak indechi kabwatutik che leelach. Mwawech sirutietab rani kole mitei walet ne nyolu kotestai, ne kergei ak ole walaksei kutiet koek taburburiet ne kararan. Yaaksei nito eng' waletab kabwatutiguk. Ye itaach Jesu kogergei ak kaleelitab kabwatutikab kompyuta, tamirmirieng'ung' ne leel. Kou kompyuta, ko nyolu kabwatutichoto kinde orit si konaam kobois. Noto ko waletab kabwatutik ago konu noto kaleelitet kobun kabwatutik. Ye itesetai ineeti ge Bukuit Ne Tilil, ko bitu waleng'ung' eng' chokynet!

MAONATET NE KIMWACHIN GE

Wolon Ng'olyot ak kong'eetyon tuguk che leelach ak kamuget ne leel eng' Jesu Kristo. Mawendi ng'onny eng' kainetab Jesu! Amen.

TESETAB SOMANET

2 Korintoek 3:18

CHERSET KESOMAN BUKUIT NE TILIL ENG' BETUSIEK 365

Somanetab rani: Atebetab Lawik 13:40-14:57

www.goodnewsdailydevotional.com



Betutab Somok, Arawetab Aeng' 5

SIS

Mariko 4:39

Kong'eet anyun, ak koger kong' usonet, ak kolenji araraita, Imutyon, sis. Kisis anyun usonet, ak komung'do anyun mising'.

Ng'eete usonet ne terterjin eng' sobet, eng' kasarwek alak tugul, ngo konyoik kolenjin itinye kansa, anan ko kagionin eng' boisiet. Nyumnyum irire ge ak konamin kabwatutik, anan irirtae Kamuktaindet ile kameten.

Kigonech Kiptaiyat Jesu Kristo kaborunet, agobo ole nyolu ketepo eng' kasarwek cheu choto. Mwawech Bukuit Ne Tilil kole kirieb moinget beek che mildogei, kot komach konyi beek moinget, ago kirue mising' Kiptaiyat kot koit king'eet inendet! King'eet anyun ko ma iywei kiy, ak koyaak kutinyin ak kong'at kit ne kimache kogeer! Ne kata inyogoritu ak irire, ko nyolu ing'eet ak iborien kiy age tugul, ne yome koloot ge kosiir naetab Kamuktaindet. NG'ALAL eng' komostab kandoinateng'ung eng' Kristo, ak ing'at kalyet kowegei eng' sobeng'ung'. NAET KOLE I NG'O eng' Kristo kogonin kalyet KOTUGUL eng' oring'ung, matin kamutyin usonet. Inyumnyume anyun ak kogonin kasarta ing'at kalyet, eng' osonet age tugul ne mi sobeng'ung'.

MAONATET NE KIMWACHIN GE

Ye ang'eete rani, ageere kong usonet age tugul ne mi sobenyun. Ang'ate kalyet eng' komoswek tugul. Nyitaat kalyet sobenyun eng' kainetab Jesu! Amen.

TESETAB SOMANET

Pilipik 4:6-7

CHERSET KESOMAN BUKUIT NE TILIL ENG' BETUSIEK 365

Somanetab rani: Atebetab Lawik 15:1-18:18

www.goodnewsdailydevotional.com



Betutab Ang'wan, Arawetab Aeng' 6

KANETETAB GE NE BO TUGUKAB TAMIRMIRIK

1 Korintoek 14:10

U kele, mitei kutuswek che chang' che terotin eng' ng'ony, ama mi ne matinyei kit ne iboru.

Mamitei tuuget ne matinyei kit ne iboru. Ng'olyot age tugul ne imwae kotinye kiy, ngo ne kararan anan ko ne ya, ngo ketakyini ge anan achicha. Ng'aleguk kogonu boisiet eng' oldab tamirmirik ak koboore ge eng' sobeng'ung'. Ole imi ko amu eng' ng'alek che tam ing'alali.

Kanetetab ge ne bo tugukab tamirmirik koboru togunetab tuuget ak botanet. Keer masamek; tynye kaborunet ne tetat si kobiit kobois komie. Ma tynye segemik tuguk che boisien, kobaten tynye ole imuktoi koyai masamek. Iboru kanetutik kole botanetab tuuget kogonu kasutik che terjn. Ye tirireni segemik koche ru tuuget ne inaami koyaei masamek. Ngot ko teechei gonywan segemik eng' tuuget ne inemu tirirenywa, ko ani inye ne kiitaach Kristo, konyiin tamirmiriet, ing'alali eng' kutuswek ak isomani Bukuit Ne Tilil? I teegindetab sobeng'ung', ngot ko mebaibaenjini ole u sobeng'ung', inaam iboisien tuuget ne teechei sobet noto kararan ne imache igeer!

MAONATET NE KIMWACHIN GE

A teegindetab sobenyun. Ateeche ye ang'alali. Ang'ate mieindab borto eng' sobenyun; ang'ate borotet; ang'ate kalyet ak boiboiyet eng' kainetab Jesu! Amen.

TESETAB SOMANET

Kalewenaik 18:21

CHERSET KESOMAN BUKUIT NE TILIL ENG' BETUSIEK 365

Somanetab rani: Atebetab Lawik 18:19-21:24

www.goodnewsdailydevotional.com



Betutab Mut, Arawetab Aeng' 7

KWENUTAB KOITA AK OLE UI

Boisionik 16:25-26

Agó kisaéi Paulo ak Sila ak kotienjin Jehovah tienwogik olo bo kemoi kwen, ak kiepchin it ichek kimonjororinik; ak kibotan emet mising' eng' sainato, kot kotumdumgei lumeiywekab korgoret: ak eng' sainato koyatogis kurgotik tugul; ak kiitiagogis tuguk che kigirate chi tugul.

Ye nyasin imi kwenutab koita ak ole ui, amegeer ole imondoe, ye kaitiem tuguk tugul ago u ne kaibeet tugul, anan komwaei kanyoik kole mamitei kit age tugul ne imuchi koyai, ak kobirei kurgeng'ung' yaagindet, eng' yoto kou ne mamitei kamang'unet age tugul.

Keer anyun kit ne kiyai Paulo ak Sila ye kin kiregunen ichek ng'oroik, kebir ak ketorchi ichek korgoret yeityo kerat kelyekwak. Kiganam kiruoget amu kiboisiechin Kamukaindet! Ma ing'ung'uny ichek kobaten, kisa ak kotienso kolos Kamuktaindet! Ye nyasin ko iratat, ko kit ne nyolu iyai ko irori, baibaitun eng' kaimutiguk, ak itien ilosu Kiptaiyat Kamuktaindet! Agot inatusiekab Jeriko, ko kibutok eng' kalosunet. Ilosun, igaas ge, ak ionde oindet, ak iboiboenji!

MAONATET NE KIMWACHIN GE

Magoi kiterteran, ago mawendi ng'onny. Ararechini kaimutik amu mi Kamuktaindet kobaton, ago awendi barak eng' kainetab Jesu!

TESETAB SOMANET

Josua 6:20-21

CHERSET KESOMAN BUKUIT NE TILIL ENG' BETUSIEK 365

Somanetab rani: Atebetab Lawik 22-23

www.goodnewsdailydevotional.com



Betutab Lo, Arawetab Aeng' 8

MA BOTANI

1 Petero 5:8

Oripge, oripse: amu wendoti bunyondeng'wong' oindet, ko u ng'etundo ne boriseni, kocheng'ei ne amei.

Tinye keljinet bunyot amu metinye naet kole l ng'o eng' Kristo! Ye kin ko a lakwa ko kitam ketinye ureriet ne kiribisi ak kimue ge. Noto anyun ko kit ne yaei oindet. Yaei ge kou ng'etundo si koswa ngo iorogeni. Nyone eng' kamuisetab kanyoik kolenjin, lakwanon itinye ko ma sobei, anan kole menyoru visa ne icheng'ei. Yome koswa kole iteptoi ano. Ye mngen kit ne mwaei Ng'olyot agobo kewelutieng'ung', ko eng' yoto koterterin!

Noto anyun si komwaei sirutik kole oripge ak oripse. Nyolu imitei eng' ripset kasarwek tugul si megochi oindet boroinde. Yaaksei kou noto ye isomani Sirutik. Inetkei sirutik rani amat iistoege saet, ago ye nyo bunyot ak boriet, irorioti iwendi benki inde fedaisiek che kagonin Kiptaiyat Kamuktaindet!

MAONATET NE KIMWACHIN GE

Atononot komie eng' Kristo, koita ne ma kitumdumi. Ma botani amaarogeni eng' taitab kewelutik, eng' kainetab Jesu! Amen.

TESETAB SOMANET

2 Timoteo 1:7

CHERSET KESOMAN BUKUIT NE TILIL ENG' BETUSIEK 365

Somanetab rani: Atebetab Lawik 24:1-26:13

www.goodnewsdailydevotional.com



Betutab Tisap, Arawetab Aeng' 9

ING'EET CHEMOSIT ENG' ORING'UNG

Romanik 8:19

Amu igeni mising' ak koganyei yaet komugul ng'ang'et ne bo werikab Jehovah.

Amache ogeer eng' Koitosiek 13:23 ne mwaei kole, "Ak kiit atebwetab Eskol, ak kitil eng' oloto temet agenge ne tinyei logoekab sabibuk, ak kiinde ketit si kobiit kotiny kaat bik aeng'." Tos ma bo kwong'et kit ne kiyai lagokab Anok koterem beek che chang', che kiminen sabibuk che kiegitu mising', ne temet agenge ko kimache bik aeng' ak ketit kotiiny kaat? Emonoto ko yaamat mising'!

Mwawech sirutietab rani kole, kanyin yaet komugul ing'eetyi kimnatetab taunetab tuguk ne itinye eng' oring'ung'. Inaei ole iboisioitoi ak iyai emet kogonin borotet matin ko maimugoksei. Igeere ile kigilenji yaet tugul kogas it tuugeng'ung'. Igeni anyun ng'atutuguk. Ing'eet anyun chemosit ne mi oring'ung', ak ing'alalji tuguk kogonin che imache. Agot malaikaisiek kogeni ng'atutuguk kou ye sirat eng' Hebranik 1:14, kigiyoook koboisieun!

MAONATET NE KIMWACHIN GE

Ng'eetat chemosit ne mi orinyun. Konu ng'ony borotenyun. Atinye walutik che mamitei ne kergei eng' tuguk tugul matin kalyan, eng' kainetab Jesu!

TESETAB SOMANET

2 Korintoek 5:17

CHERSET KESOMAN BUKUIT NE TILIL ENG' BETUSIEK 365

Somanetab rani: Atebetab Lawik 26:14-27:34; Koitosiek 1:1-41

www.goodnewsdailydevotional.com



Betutab Tai, Arawetab Aeng' 10

SOBET NE MI BARAK

Johana 10:10

Nyonei chorindet si kochor, ak kobar, ak kong'em kityo: kianyo si kobiit konyor sobondo, ak kotepto sobonato inne.

Keer sirutioni, mamitei sirutiet age ne bo Kiptaiyat Jesu, ne tinya koborunet ne u ni. Machei oindet kong'em tuguk tugul ak kobarin, kobaten kiseret Kiptaiyat ne kita achek, si kobiit konyorun sobondo ak ketepte sobonato inne. Makwech kesopchen sobet ne mi barak!

Iguiyen kole machei Kiptaiyat inyorji ge tuguk che miachen eng' sobeng'ung'. Kit ne mie agobo nito ko kigolipan. Mwaei Bukuit Ne Tilil kole, "Kima keer konda, ama kas itit, tuguk alak tugul che kichopchi Jehovah icheget che chamei inendet" (1 Korintoek 2:9). Inaam anyun inyorji ge mogornotet eng' Kristo ye ichute Ng'olyot! Cheng' sinyoru. Kergei ak cheng'etab mogornotet ago inyorune Ng'olyondenynin. Inetkei sirutik rani ak betusiek tugul ak iguiye ile kigoberurin Kamuktaindet, ak tuguk tugul che nyoljin sobondo, ak kaiyweet ne kiywei Jehovah, ago ma nyolu kororun kiy age tugul ne kararan eng' kainetab Jesu!

MAONATET NE KIMWACHIN GE

A borotet! Chute ge tuguk tugul agobo ane eng' ole mie, ago atinye kebeberta ne kararan eng' kainetab Jesu! Amen.

TESETAB SOMANET

Kalewenaik 10:22

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 1:42-3:32

www.goodnewsdailydevotional.com



Betutab Aeng', Arawetab Aeng' 11

MA IGIMITIN NG'WANINDO

Matayo 7:24-27

... chito ne ng'om, ne kiteech gonnyi ruandet barak. ak kirobon, ak kibwa mogoček, ak kius usonaik, ak korieb goyoto; ama iluul: amu kigiteech ruandet barak. Ak age tugul ne kasei ng'alechuchuk, ama yaei, kiyanie chito ne berber, ne kiteech gonnyi ng'aniek: ak kirobon, ak kibwa mogoček, ak kius usonaik, ak korieb goyoto; ak kiluul: ak kieet lulennyi.

Kasarwek che chang' ko mwaei bik kole igimitin ng'wanindo. Achicha ma u noto. Kamwa sirutik kole kibwa mogoček korieb got ne kiteech eng' ruandet, ak ne kiteech eng' ng'aniek. Ngot ko kitokyin ge kagimitet, ko tos kita ng'etu gorichoto tuwai kotonondos, ye kin kogeesh ge mogoček. Kobaten kiluul goyoto kigiteekyin ng'aniek.

Ma bwanei mogoček eng' sobet kogimitin, bwanei kotiem kimnatetab tononeng'ung' eng' Kristo! Tos walaksei baornateng'ung' ye kagionin eng' boisiet, ak keonin eng' gong'ung, anan ye kebeet chamaneng'ung'? Tos ites tai itien ak ilosu, anan iimaksei ak ibutoge? Chigil ge ak itonone Ng'olyot.

MAONATET NE KIMWACHIN GE

A u got ne teegat eng' ruandet. Kristo ko ruandet ne ma kitumdumi, ne atonone komie. Magoi kisipton eng' kainetab Jesu!

TESETAB SOMANET

Galatiek 4:19

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 3:33-5:22

www.goodnewsdailydevotional.com



Betutab Somok, Arawetab Aeng' 12

CHI NE ISUBI CHAMETAB KAMUKTAINDET

Galatiek 2:16

Ago kingen kele magiityin chi imanda eng' boisionikab ng'atutik, ago eng' kayanet eng' Jesu Kristo, kigiyan agachek eng' Kristo Jesu, si kobiit kiityech imanda eng' kayanet eng' Kristo, ama eng' boisionikab Ng'atutiet: amu magiityin chi imanda eng' boisionikab Ng'atutiet.

Eng' emet ne imenye, ko mitei ole nyolu isopte. Mitei ng'atutik ak tuguk che nyolu isub, ago ye ichilil age tugul eng' ng'atutichoto, ko mi kakwautik che inyorjini ge kobun kandoinatet. Ago anyun imitei tulwetab Sion, yoto imitei eng' ng'atutik che teer!

Ye kin kesichin kobun Kipsengwet, ko kigiwalin imong'une bounatetab mesundeito, ak ichut bounatetab lapkeiyet. Yoto ko ma kiityin Imanda eng' boisionikab Ng'atutiet. Maimugoksei! Kinyo Ng'atutiet si kobit koborun kole memuchi. Kigeyain ibegu eng' Ng'atutiet, ago sobet ne isobe nguni, ko eng' kayanet eng' Jesu Kristo! Nguni imitei eng' Chametab Kamuktaindet, ama eng' Ng'atutiet! Chuto ko Logoiywek che Miach che kiamdoti!

MAONATET NE KIMWACHIN GE

Kigigartata koboto Kristo; ago asobe; ago ma ko ane, kobaten sobei Kristo eng' ane: ak sobondo ne asobe nguno, asobe eng' kayanetab Jehovah, eng' kainetab Jesu!

TESETAB SOMANET

Galatiek 3:10-14

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 5:23-7:59

www.goodnewsdailydevotional.com



Betutab Ang'wan, Arawetab Aeng' 13

KIMNATET ENG' TUGUKAB TAMIRMIRIK

1 Korintoek 2:16

Amu ng'o ne kigonai kabwatutikab Kiptaiyat, si kobiit konet inendet? Ago kitinye achek kabwatutikab Kristo.

Sirutioni ko bo kwong'et ye iyome iguiye kit ne mwaei. Inaami ak tebutiet kole, "Ng'o ne kigonai kabwatutikab Kiptaiyat?" Tos imuktoi ge ano konai chi kabwatutigab Kristo, inendet ne kiyai tuguk tugul che togu ak che ma togu?

Mat ing'etu eng' tebutiet amu tesetai komwae kole kitinye kabwatutikab Kristo! Ngot ko meboiboenji noto ak itwal imwae haleluya, ko mangel kiy age no tos iboiboenji! ITINYE kabwatutikab Kristo. Itinye ngunoto! Meneti ge kabwatutikab Kristo si kobiit iguiye, achicha. Ineeti ge inendet si iguiye kamuget ne itinye ak inaan iboisien. Ibwaat kabwatutik che kiyai kipsengwet ak ng'ony ko mamitei kiy, inendet ne kiwendot eng' beek barak, koyaat konyek che koriotin, koonda oik, kong'eet che kibek, ak tuguk alak---kabwatutichoto ko mi oring'ung'. Nam anyun kaguyonoto ago maimuchi koteerin kiy, amu itinye kimnatet eng' tugukab tamirmirik!

MAONATET NE KIMWACHIN GE

Atinye kabwatutikab Kristo. Awendoti eng' naet agobo noto. Ma teeron kiy age tugul. Amandoen kewelutik ak tyemutik tugul che mi tainyun eng' kainetab Jesu!

TESETAB SOMANET

Isaia 55:8-11

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 7:60-10:10

www.goodnewsdailydevotional.com



Betutab Mut, Arawetab Aeng' 14

MUGULELDO NE IGASEGEI

Kalewenaik 17:22

Kerichek che miach muguleldo ne igasegei: Ago iyaami kowek tamirmiriet ne katanui.

Tos ingen ile iwendoti ak tuguk tugul che bo kanyoiset eng' bortang'ung' Tuguk tugul che imayini ge, itinye eng' oring'ung'---agot kanyoisetab mianwogik tugul che ingen. Tebutiet anyun ko ni, tos imiani? Mwawech Bukuit Ne Tilil eng' yuto kole, kagasetab ge ko kerichot ne mie. Ma kagasetab ge age tugul, kobaten noto ko kagasetab ge eng' Kiptaiyat. Boiboyonito ko ma tiengei tuguk che tesetai eng' ole imi, kobaten mang'unen tamirmirieng'ung'.

Mwaei Sirutik kole, "Kimnatenyun boiboiyetab Jehovah" (Neemia 8:10). Inyoru kimnateng'ung' eng' boiboiyet ne mang'une Kiptaiyat. Mwaei Sirutik kora kole, "Oboiboitu eng' Kiptaiyat kotugul: ak amwae kogeny ale, Oboiboitu" (Pilipik 4:4). Mwawech Bukuit Ne Tilil konyil che chang' kole mat kegerer met kobaten kebaibait, amu bo kamanut eng' bortang'ung'. Kergei ak kerichek.

Ingen oindet kole kit ne nyolu koyai, ko korebenen boiboiyet, ago eng' yoto ko kagoreben kimnatet. Tonon komie eng' kayomisutikab Kamuktaindet, ak iboiboenji kotugul, ago inyoru kalyet ne siire kaguiyet tugul, ak komieit bortang'ung'!

MAONATET NE KIMWACHIN GE

Boiboyetab Kamuktaindet ko kimnatenyun. Mamitei kiy eng' ng'onnyuni ne imuchi korebenen boiboiyet. Mieitu bortanyun ye agasige eng' kiptaiyat. Haleluya!

TESETAB SOMANET

1 Tesalonikek 5:16

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 10:11-13:16

www.goodnewsdailydevotional.com



Betutab Lo, Arawetab Aeng' 15

IGOCHIN GE NG'ALALETAB KAGIMITET

Pilemon 1:6

si koek yamdaetab kayaneng'ung' ne boisie komie, eng' naetab kiy age tugul ne mie ne mitech, eng' Kristo.

Mie keng'alalji ge eng' kasarta age tugul. Inye ne tononjin ge, inye ne urereni, ago inye ne cheere ge. Mwachin ge ile l borotet, l mogornotet, mie bortang'ung' ago l chi ne ititayat!

Sirutietab rani ko tinye kimnatet, ago nyolu iepchi it komie. Mwawech kole yamdaetab kayaneng'ung', ko boisie komie ye inyoru naetab kiy age tugul ne mie, ne mi oring'ung' eng' Jesu Kristo. Ng'etun kobaton kitigin. Yamdaet ko ng'olyot 'koinonia' ne eng' kaguiyet ko kituiyo ge, keboiboenji. Kobois ko ng'olyot 'energēs' ne eng' kaguiyet ko kigimit. Naet ko ng'olyot 'epignōsis' ne eng' kaguiyet tugul ko ng'ang'utietab ng'omnatet. Eng' ng'alek alak ko boisie kayaneng'ung', ye inaami inae kit ne mi oring'ung', eng' kasarta ne kiiyan Kristo.

Inaam imwachi ge kit ne mwæi Sirutik agobo inye, eng' kit age tugul. Keer ge eng' kioit, ak imwachi ge ile itinye kabwatutikab Kristo, kabwatutikab ine ne ingen kosuldaen; mebutii eng' kiy age tugul ne kende kabwatutiguk!

MAONATET NE KIMWACHIN GE

Ayani tuguk tugul che miachen eng' ane eng' Kristo, ago aboisien kayanenyun eng' nyiganatet. Ang'alali tuguk che eechen; aibe kakwautik che eechen, a o eng' kainetab Jesu!

TESETAB SOMANET

Pilipik 4:8-9

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 13:17-15:21

www.goodnewsdailydevotional.com



Betutab Tisap, Arawetab Aeng' 16

KASARTA IYUMCHIGE TUGUKUK

Kalewenaik 13:22

Bagakyin chito ne mie tugukyik mochogoronikyik; Ak kignonorjin chitab iman magornatetab kiptengekyot.

Sirutioni koboru itondo ne mie, kobaten konu kaimet eng' che chang' che maimuchi ge eng' sobenywa ak che yome kocheng' borotet ama nyoru. Tos ng'o ne mamache koek chito ne mie, ak kogeer kole ma birtoge lagokyik, ak mochogorenikyik eng' sobenywa?

Ma inami sirutik kit ne maigesu ge. Mwaei siret kole, kignonorjin chitab iman magornotetab kiptengekyot! Kiibunji iman ye kin itaach Kristo, ago eng' noto kegonorun magornotetab kiptengeginik iyumchige. Manden rani anyun eng' nyiganatet, ak iyumchige tuguk che cheguk ko l lakwetab Kamuktaindet.

Ruachin bik bounatetab kipsengwet, ak namei bik che koromen eng' kimnatet, (Matayo 11:12). Ko mat iburote, igonye magornotet kororokyi kelyeguk. Igun chi ne ipchin ge, manden sang ak irich mestonok che namei magornotet ne kigegonorun. Yai mung'aret si koyumun magornoteng'ung.

MAONATET NE KIMWACHIN GE

Ko a lakwetab Kamuktaindet, aboisien katiagenyun, ak asirchige magornotet ne o mising'. Boroitu mung'arenyun. Bwanjon ortinwek che chang', che konon fedaisiek eng' kainetab Jesu!

TESETAB SOMANET

2 Laitorinik 7:5-8

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 15:22-16:50

www.goodnewsdailydevotional.com



Betutab Tai, Arawetab Aeng' 17

NGANASET NE MI TULWET BARAK

Matayo 5:14

O lapkeiyatab ng'ony. Magimuchi keuny nganaset ne mi tulwet barak.

Imuchi ikwong'e anan agot ing'ung'unyi kole, bwane bik iwolchi kewelutikwak, kosom fedaisek, anan igochi cherset, ago sainoto itinye aginye kewelutiguk che tomo inyoru wolutik.

Amache igeer kebebtab aeng' eng' sirutietab rani. Iyanien nganaset ne mi tulwet barak ne magimuchi keuny. Memuchi iuny ge ye inaam koboore ge berurtab Kamuktaindet eng' sobeng'ung'. Mwaei agot kole, "In kotook eng' bik tugul bandang'ung' ne bo tai!" (1 Timoteo 4:15). Nganaset keboisien eng' mung'aret, ole kinyorjinege tugukab betut age tugul. Bendi biik nganaset kocheng' borotet. Tos igeere ole kitokyini ge ak nito?

Mat konyasin ye bwane biik komache itoret, ogerge ak nganaset eng' ichek, ye imi eng' Kristo ne inendet ne konu Lapkeiyenyon ak magutikab sobet. Keerin ko I nganasetab wolutik. Igun anyun Josep nebo gong'wong, ak imong'u ichek eng' bananda!

MAONATET NE KIMWACHIN GE

A lapkeiyetab ng'ony, a nganasetab wolutik. Ane ne indochin ibindanyun komong'une bananda, ago naei ichek Kamuktaindet ne aboisiechini, amu eng' tuguk che baorianjin ge eng' sobenyun, eng' kainetab Jesu!

TESETAB SOMANET

Johana 7:38

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 17-20

www.goodnewsdailydevotional.com



Betutab Aeng', Arawetab Aeng' 18

KONORUET NE MABEGU

Luka 12:33

Oalde che otinye, si ogoite kagochinoik; onapchige suberok che maosegitu, konorueta eng' kipsengwetisiek ne mabegu, ole marikyin chorik, ama ng'emei kiptorotiniik.

Keer ile kitinye chamjinet eng' konorueta ne o mising' ago maichuchuchoksei! Tinye ripset ne mi barak mising', ne maityin agot chorik amaimuchi kobutok. Eng' 2008 ko kenyit ne kimi ng'ony mung'aret eng' emotinwek tugul, ago kinyor biik asenet ne o, agot eng' fedaisiek che kigakonorji ge ichek eng' konorueta.

Kobaten ma kibo ng'onyuni. Kitinye chamjinet eng' konorueta kipsengwet, ne ribot mising', ole kigonoren fedaisikyok--- fedaisiek che kigonori eng' kipsengwet ye kigoitoi koyai boisietab bounatet. Noto anyun ko mung'aret ne wegu konyil che chang', ago ribotin ama ityin ng'emindet. Amenyorjini ge wegundet ne nyilat kityo, kobaten isubi muguleldang'ung' konoruanaato mi kipsengwet. Noto koboru kole inaami igochi Kamuktaindet, muguleldang'ung' koboto fedaisieguk. Ye mitei anyun muguleldang'ung' ak Kamuktaindet, koyaei inendet kowolun eng' ortinwek che kikwong'en. Inetkei igonorji ge konorueta eng' Kipsengwet!

MAONATET NE KIMWACHIN GE

Atinye chamjinet eng' konorueta ne bo kipsengwet; agonorjini ge fedaisiek mising', ago kagoitoet ko sobenyun ne bo kotugul. Achame bounatet ago che anyorjini ge, ko ma iitoksei eng' kainetab Jesu! Amen.

TESETAB SOMANET

2 Korintoek 9:7-8

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 21-23

www.goodnewsdailydevotional.com



Betutab Somok, Arawetab Aeng' 19

IGUN NE NG'OM ENG' SIRUTIK

2 Timoteo 2:15

Igiilgei ibartege ile kigoyanun Jehovah iegu kiboitiot ne manyol kolilan, ne boisie komie ng'olyotab imanit.

Ko I lakwetab Kamuktaindet ne kigoyan Kristo, ko kiibunji sion. Bounatanito koboisien ng'atutik che teer che mwaei Sirutik kole, berber eng' che tomo koyan Kristo. Iboru noto kole mi tuguk che chang' che nyolu kinetkei eng' bounatani.

Nganda bo kamanut kinetkei ole nyolu ketepten, si kobiit kenyorun keljinet ne mitei eng' bounatet, ko nyolu kora kinetkei ak kiguiye komie, ng'atutik che bo bounatanito, ole boisioito ak amune si ibunji yoto. Ng'omnatano kogonin chamjinet iamde logoiywek che miach che bo Kristo, ak iwolu eng' ole mi tebutik. Kasarta ne kiitach Kristo koek Kiptaiyat eng' sobeng'ung, ko kiiegu agenge eng' che nyolu kiyokto koba ng'ony komugul koamda. Noto anyun ko bo kamanut mising' inetkei Ng'olyotab Kamuktaindet, ak iegu ne ng'om eng' Sirutik. Ye iyae kou noto itese tai inyoru kimnatet eng' oring'ung'.

MAONATET NE KIMWACHIN GE

Atinye ng'omnatet eng' Sirutik. A chepchep eng' kaguiyetab Sirutik, ak atinye kamuget aarorchi ichek che aamdechini logoiywek che miach. Ye atese tai agimitu eng' Sirutik, kotese tai kobaraitu ole ami eng' kainetab Jesu!

TESETAB SOMANET

2 Timoteo 4:2

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 24:1-26:34

www.goodnewsdailydevotional.com



Betutab Ang'wan, Arawetab Aeng' 20

KASARTAB YAMDAET AK TAMIRMIRIET NE TILIL

Matayo 14:23

Ak kingo kagoyomis tuiyosiek koba, kotogosta inendet tulwet kwo kosa: ak koimenji oloto komi inegei.

Eng' kasarta ne kiamdoti Jesu eng' ng'onyuni, igeere kole kichame inendet kotabanege bik, ak kwo tulwet kocheng' kalyet ak ole sisat, si kobit koib kasarta eng' saet. Kiitabanege kaimutik ak boisionik che chang' che bo bik, si kobit kocheng' inendet kimnatet. Kiweksei anyun kotinye kimnatet ne kiboisien koyai kwong'utik che eechen, koonda oik, ak kotonoisie kipchurchuriet.

Tos safarisiek ata che icheng'jini tamirmirieng'ung kimnatet? Bo kamanut mising' eng' etunetab tamirmirieng'ung', kasarta ne omi okwegen eng' yamdaet ak Tamirmiriet Ne Tilil. Ma ng'alalen kasartab saet ne nyitatat somutiguk. Inoni ko yamdaet kityo. Tienwogikab Kalosunet 46:10 ko mwaei kole, "Osisie, ak onai kole inendet ko Kamuktaindet." Maluchin kalyet ne o mising', ne sire kabwatutik ak ye imande, ing'ate ole imi kosis, amu iboisie kimnatet ne mi oring'ung', kou ye kiitonosi Kiptaiyat Jesu kipchurchuriet. Yai kasartab yamdaet ak Tamirmiriet Ne Tilil, koek atebetab betut age tugul.

MAONATET NE KIMWACHIN GE

Ang'ate kalyet ak siset eng' sobenyun. Matin kamutyon boriosiek, ang'etu atononot eng' Sirutikab Kamuktaindet, ak kogimitan Tamirmiriet Ne Tilil!

TESETAB SOMANET

1 Korintoek 14:2-4

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 26:35-28:31

www.goodnewsdailydevotional.com



Betutab Mut, Arawetab Aeng' 21

CHE ISULDAEN MAGETAB KAMUKTAINDET

Boisionikab Che Kiyoktoi 12:5

Kigirib Petero anyun eng' korgoret: ago kisa kaniset Jehovah mising' agobo inendet.

Ye kin kayai Kamuktaindet Adam, Kogochi inendet kimnatet tugul, koboi tuguk tugul eng' ng'onyuni. Konyo Kiptaiyat Jesu ak komwa kole, kimnatet tugul eng' kipsengwet ak ng'ony, ko kigigochi inendet. Koyamisech anyun kebe ng'ony komugul, ak kogonech kimnatet tugul keboun bunyot.

Kigonech Kamuktaindet kimnatet tugul, ak kandoinatet ne kimakyini ge, kebounisien eng' ng'ony. Ye isomani Sirutik che mi let kitigin, igeere ile kiagobar Herod Jakobo, ago kia kwo konam Petero, si kobit kobar inendet agine. Eng' yoto kong'eet kaniset, ak konaam kosa kotugul. Kiinam ichek boisienywa ne bo saet, ak kosuldaen magetab Kamuktaindet eng' kewelinato. Itinye boisiet isuldaen magetab Kamuktaindet. Kou ye kisa kaniset, ak kotiach kimnatosiekab kipsengwet, kosor Petero eng' korgoret, isa aginye itiakyi kimnatosiekab kipsengwet sobeng'ung'.

MAONATET NE KIMWACHIN GE

Amwae ak ang'ate magetab Kamuktaindet, kosulda eng' sobenyun. Aboisien kandoinatenyun, aboi komoswek tugul che bo sobenyun. Ayaktoi malaikaisiek kosuldaen kanyoiset eng' bortanyun, ak koibwan fedaisiek eng' kainetab Jesu! Amen.

TESETAB SOMANET

Hebranik 1:14

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 29:1-31:47

www.goodnewsdailydevotional.com



Betutab Lo, Arawetab Aeng' 22

CHAMNYET NE TAI

Ng'ang'utiet 2:4

Ago ating'enen ng'olyot, ale kiimete chamnyeng'ung' ne bo tai.

Tos ingen ile nyumnyum iratage ak yaetab boisietab Kamuktaindet, kot iutye Kamuktaindonoto iboisiechini. Ago aginye inaami iboiboitu ak igeere ge kouon I otwogindet ne mie ne bo Kamuktaindet, ne tete boisionikab kanisa, iwendoti kokwotinwek, itoreti che oosen ak che matinye sigik, iboisiei eng' kanisa ak alak che chang'

Ago kigeere anyun eng' konyekab Kamuktaindet eng' sirutietab rani. Baibai eng' boisiet ne o ne yaei kaniset kobaten, ing'wereri kabutet ne mi eng' bandanywan ak Kristo. Kimwa kole, "Kiimeton, chamnyeng'ung' ne bo tai!" Ibwat anyun Kamuktaindet inendet komwaei kole, "Kiometon, owegen." Tos ibwati agot inyendet, anan ibwati kityok chamaneng'ung' ne ki tai?

Weekyin inendet muguleldang'ung' rani; weekyin ge chamnyet ne bo tai. Inetkei ibaibai muguleldanyin kogeny, ye ilosu inendet. Oistoege bolatet ne mi ng'ony, ak oib kasarta ne yamat eng' saet ak inendet. Cheng' kasartab yamdaet ak inendet rani.

MAONATET NE KIMWACHIN GE

Eng' rani aweekyini Kamuktaindet muguleldanyun. Abegechini chamnyenyun Laitoriatab Laitorinik. Kiratatin tuwai ak inendet ago chaman inendet mising'! Amen.

TESETAB SOMANET

2 Ateptab Betusiek 7:14

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 31:48-33:56

www.goodnewsdailydevotional.com



Betutab Tisap, Arawetab Aeng' 23

BULDOSA

Boisionikab Che Kiyoktoi 17:28

Amu kisoptoseng' inendet, ak kebendoti, ak kemi; ko u ye kigomwa alage eng' sirikwok che bo ng'alek che kergei ak tienwogikab kalosunet, kole, Amu ki lagokyik ak achek.

Kasarwek che chang' inyoru Kristianik, ko maimuchi ge eng' sobet, kogile ge mising' ama nyoru fedaisiek. Igase agot alak komwaei kolen, "Eng' tuguk che tese tai ko mang'ung'unyi." Anan itebee age kit ne u, ak kowol kole, "Maya." Ngot ko me ya imi komie.... Ma lelut ama biretab teget imwa ile imi komie.

Ongewegen anyun kit ne kagi ng'alalen. Mat iwe ak ole wenditai ng'ony, amu me bo ng'onyuni. Mata ichut ng'ony eng' tuguk che tese tai. Nai kole I ng'o, ago ibo ng'o. Keer Sirutietab rani: "Amu kisoptoseng' inendet, ak kebendoti, ak kemi." Kimi eng' Kristo. Che kitupche, omi orit eng' buldosa! Ibute tuguk tugul che uen, amelupchoni agot kitigin. Ye ibwati bunyot kole kagonamchin ng'ony, anan nda ibutos emotinwek, anan nda itu miondab emotinwek.... Ko maimuchin choto tugul, amu imi eng' Kristo! Nito ko Sirutiet ne nyolu ibwatate, kot koek imanit eng' oring'ung'. Iwoche ak ibolote, ak imandaen inatusiek eng' kainetab Jesu!

MAONATET NE KIMWACHIN GE

Magimuchon, amabutoksei! Matin ko nee ne tononi eng' ole abune, atese tai awendi tai abutoti kewelutik, amu ami eng' Jesu Kristo, Laitoriat. Haleluya!

TESETAB SOMANET

Johana 15:4-5

CHERSET KESOMAN BUKUIT NE TILIL ENG' BETUSIEK 365

Somanetab rani: Koitosiek 34-36; Ng'atutik 1:1-15

www.goodnewsdailydevotional.com



Betutab Tai, Arawetab Aeng' 24

URERENINDET NE BO KAMANUT

Boisionikab Che Kiyoktoi 9:36-40

Ak kimi age ne bo alamalyet Jopa ne kigiguure Tabita, ne ye kiweech kele Dorkas: kitinyei kobogoriondoni boisionik che chang' che miach ak kagochinoik che kiigoitoi. Ak kimian eng' betusiechoto, ak kime: ak kingo kagoun, konde got age ne mi barak. Ak amu ki negityin Luda ak Jopa, ko ye kingogas alamalyet kole, mi Petero oloto, koyokyi bik aeng' inendet, kosom kole, Nyonjech, amegage. Kong' eet anyun Petero ak koba ak ichek. Ak kingo kagoit, komut inendet kwo got ne bo barak: ak kitonondos mosogik tugul korirtos eng' ye negit inendet, ak kaborji sumotik ak ngoroik che kinabei Dorkas, ye kita komi koboto ichek. Komaanda Petero tugul koba sang', ak kogutuny, kosa; ak kingowelejigei musto, kolenji, Ng' eet, Tabita. Ak kiyat konyekyik: ak kingogeer inendet Petero, kong' eet koteb ng' ony.

Eng' ureriet ne kiguuren, 'National Football League (NFL)', ko mi konunotiot ne kiguuren 'Most valuable player (MVP)', ne kigochin urerenindet ne kayai kit ne mie. Kigochin ine fedaisiek che chang', ago tesoksei kamanutieng' inendet ak kotesak fedaisiek che kigochin inendet, eng' kasarwek che buone.

Keer anyun Dorcas agine ko urerenindet ne bo kamanut. Kimian ine ak kome, ago ki maimuchi bik kosopcho ama inendet, ak kiguur ichek Petero kong' eet inendet. Tos kimwa kou noto agobo inye? Rani iborchi ge iegu urerenindetab kamanut eng' gong'wong', kaniseng'ung', ak ole iboisien. Ingenain eng' kogoitoet, ak eng' boisieng'ung'. Ye wendi barak kamanutieng'ung' eng' bounatet, inamjini ge ole itokyini ge, agot meet ko ma kichamjin kotinyin.

MAONATET NE KIMWACHIN GE

Rani aborjini ge aik urerenindet ne bo kamanut eng' emenyun. Magimuchi keiston ama mi chi ne kewalenon, eng' tuguk che ayaei. Eng' noto kolaba mising' ole atokyini ge, eng' kainetab Jesu!

TESETAB SOMANET

Boisionikab Che Kiyoktoi 10:1-4

CHERSET KESOMAN BUKUIT NE TILIL ENG' BETUSIEK 365

Somanetab rani: Ng' atutik 1:16-3:29

www.goodnewsdailydevotional.com



Betutab Aeng', Arawetab Aeng' 25

IGUN RIBINDETAB NE OTUPCHE

Hebranik 10:24-25

Ak ongiwatge achege eng' achege kigimitge eng' chamnyet ak boisiosiek che miach; ama kibagaktoi kituiyege achege eng' achege, ko u biteetab bik alak, ago kiteechinige; ak ko u noto kosiir, ko u ye ogeere ole rigu betut.

Chame bik kong'alalen oktaet ne bunu choronok eng' oret ne ya, kobaten cherech Sirutietab rani kigimit ak kecheer ge, kiboorchi ge chamnyet ak ketii ge, eng' oret ne nyolu kasarta age tugul. Mwaei Bukuit Ne Tilil kole," Litei karnet karnet; Litei ko u noto chi togetab choruenyi." (Kalewenaik 27:17)

Noto amunee si kobo kamanut kituiyo ge eng' karurugutik che mengech, ole otutosi bik che ityindos kabwatutik, ak onetge Sirutik yeityo onaam oboisien eng' yoto. Eng' kaborunet ko ye kaonetgei sirutik che tinyegei ak kasobetab borto, omande osochi che miandos, ak owege obaorian walutik. Tesetai sirutiet komwawech kole mat kebagakte katuiyetab ge eng' kanisa! Tos ng'o ne icheere rani, ko mat kobagakta bandab tuiyetab kanisa? Igun ribindetab ne otupche rani, kas kit ne u che otupche rani.

MAONATET NE KIMWACHIN GE

A ribindetab che kitupche. Acheere ak agimiti che kitupche, koityi barak mising' ak kochut orit eng' Kristo, kou ye igimiton agane, eng' kainetab Jesu! Amen.

TESETAB SOMANET

Boisionikab Che Kiyoktoi 2:46-47

CHERSET KESOMAN BUKUIT NE TILIL ENG' BETUSIEK 365

Somanetab rani: Ng'atutik 4:1-6:15

www.goodnewsdailydevotional.com



Betutab Somok, Arawetab Aeng' 26

BOISIONIK CHE KIKWONG'E

Daniel 11:32

Ak komaas inendet eng' mwaikutnatet che yaei yaitio kowechei kayomiset: ago kimegitu bik che ingen Kamuktaindenywa, ak koyai boisionik che kimen che kikwong'e.

Eng' korogutikab ng'onny kemwoe kele, kimnatet naet, ago kilipanin kotien ge kit ne ingen, eng' komosto ne iboisien. Sirutietab rani komwae kole, bik che ingen Kamuktaindenywa kogimegitu, ak koyai boisionik che kimen che kikwong'e, ne eng' arorunet ko iyaei tugukab kwong'et, ko metinye ng'omnatet ne mi barak!

Nyumnyum keityi komosato, ye inai Kamuktaindet eng' Sirutik. Anichigil boisionikyik kong'eete kanamet agoi kagesunet, inae ile kiibelis eng' boriosiek tugul. Igeere kora kole Bukuit Ne Tilil ko kayumetab otindenigab bik, che kiyom kobel Kamuktaindet, ak kiibutyio ichek mising'. Ye inai kou noto imuchi imandaen kewelutik tugul, ingen ile omi ak inendet ne ma kibeli eng' boriet. Ibirtoi bunyot kot inaaam inaage eng' komostab tamirmirik, kou Paulo ne king'any oik kole, "Angen Paulo" (Boisionikab Che Kiyoktoi 19:15). Inetkei mising' ak inai Kamuktaindet eng' ng'ang'utik, si igeer kit ne inyorjini ge eng' Krismas!

MAONATET NE KIMWACHIN GE

Ye atese tai anyoru ng'omnatetab Kamuktaindet ne aboisiechini, atese tai anyoru kimnatet. Tesoksei kamugenyun, ne bo yaetab tuguk che kikwong'e, eng' kainetab Jesu! Amen.

TESETAB SOMANET

Hebranik 13:5-6

CHERSET KESOMAN BUKUIT NE TILIL ENG' BETUSIEK 365

Somanetab rani: Ng'atutik 6:16-9:21

www.goodnewsdailydevotional.com



Betutab Ang'wan, Arawetab Aeng' 27

KIGECHOR ATEBET

2 Korintoek 5:7

Amu kibendoti eng' kayanet, ma eng' keeret.

Bandanyon eng' ng'onnyuni, ko kigechorwech keljinet, kot ko magomitei komie noto eng' bunyot! Mwaei sirutiet kole, kibendoti eng' kayanet ama eng' keeret, ago iman amu soptos che bo imanda, eng' kayanet. Nai kou nito anyun kole, amu imi kureretab kanisani bo maonatet, iwendoti anyun eng' ole kige maotenji. Mewendi ak koratet ole mengen, achicha, kiabun kenyini agesu, ak ageer kole mie, ago konyisie borotet.

Ye itutosi ge ak ane, inaami iwendoten chametab Kamuktaindet ne mi eng' sobenyun. Itinye chamjinetab tuguk tugul che igeere eng' sobenyun. Ama noto kityo, kiging'at yaet tugul kogas tuugeng'ung' ak kosib ng'atutiguk. Ye inde keswot ng'ung'unyek orit, kongen kole nyolu kotesak. Tuugeng'ung' agine kou noto, kongen koyai tuguk che imwaei. Mwawon anyun kole tos ibutite ano ago ne kigeyai tuguk tugul kobit ibelisie kotugul!?

MAONATET NE KIMWACHIN GE

Kong'eete rani aboisien keljinet age tugul ne anyoru. Maotiot Uebert Angel ko keljinenyun. Ye atutosi ge ak inendet, awendoten chametab Kamuktaindet ne mi eng' sobenyin. Agonu walutik che che konu, eng' kainetab Jesu! Bo torornatet Kamuktaindet.

TESETAB SOMANET

Pilipik 1:7

CHERSET KESOMAN BUKUIT NE TILIL ENG' BETUSIEK 365

Somanetab rani: Ng'atutik 9:22-12:32

www.goodnewsdailydevotional.com



Betutab Mut, Arawetab Aeng' 28

IYAN OLE BENDITO TUGUK

Hebranik 4:11

Ongigiilge anyun si keit kamuung'onoto, si maibut chi age tugul eng' kergeinoto bo ngelelnatet.

Eng' kenyisiek che chang' igetoti karing'ung' ne bo eut, ne yaache iwiswis, iwal kiyaisiek, itonoisi, ak itieche kochakta. Ak eng' chokyinet konyasin berurtab Kamuktaindet, ak inaam igetate Tesla Cybertruck. Nito ko karit ne kete ge inegei, ago ibuuri eng' let ak iyee chaik. Eng' kanamet, igeere ko kaimutyet, amu nyasin imache iyai tuguk che kiinaite.

Noto anyun amunee si komwawech sirutietab rani, kole kigiilge kechut kamuung'enyin. Kagiloni bo ge ko iiste meting'ung', eng' tyemetab koyai che miach, kosop sobet ne mie, ak chulchinetab ge ne bo tononet ne mie eng' Kamuktaindet. Kimwowech kele keng'etyiin tuguk che kiyaiwech Kamuktaindet, si mata keboisie kobaten kimuuny eng' inendet, ak kenyoru keljinet eng' chamenyinin ne kigonech. Ye ichut kamuung'enyin, ko magoinye ne yaei boisiet, kobaten chametab Kamuktaindet ne boisie eng' oring'ung', eng' ortinwek che ikwong'e. Choto anyun ko Logoiywek Che Miach!

MAONATET NE KIMWACHIN GE

Rani aistoi ge ak ametoi tyemet, ne bo yaetab tuguk eng' kimnatenyun. Achute kamuung'enyin. Tuguk tugul che ayaei kong'eete rani, kogiimiton Tamirmiriet Ne Tilil, eng kainetab Jesu! Amen

TESETAB SOMANET

Pilipik 2:13

CHERSET KESOMAN BUKUIT NE TILIL ENG' BETUSIEK 365

Somanetab rani: Ng'atutik 13:1-16:8

www.goodnewsdailydevotional.com



Betutab Lo, Arawetab Somok 1

TUIYET AGENGE

Boisionikab Che Kiyoktoi 9:3

Ak ye kita kowendi, ko karikta Damasko: koluu ngunoto lapkeiyet ne kibunu kipsengwet koluuchi inendet komoswek tugul:

Kasarta age tugul, amitei eng' kwong'et ye ageere bik che chang' kobwanei kanisenyon. Bunu alak emotinwek che ui amwa anan agot asir. Ye ageere koyaaksei kou noto kobwatwon kasarta, ne kiagas tugetab Kamuktaindet, komi ketitab logoek ne bo timin. Kianyuru tuiyonoto ak Kamuktaindet kin ko a lakwa ne ming'in eng' emetab Zimbabwe ole kiguuren Chivamba. Ago anyun, bik tugul che bwane kanisenyon ko amun eng' tuiyonoto agenge ne kianyuru.

Imakyinige aginye tuiyet agenge! Kimwa Paulo ne Kiyoktoi kole kiuy koesio ng'ang'utiet. Oktaet ne kibunu ng'ang'utionoto, ne kiyai inendet kotoi boisietab Kamuktaindet. Kiwal tuguk tugul tuiyonoto agenge, ne kinyor kowendi Damasko. Utyen kereretab met tugul, chalgogkto, kachililutik ak tuguk che memuchi. Tete kamuktaindet oindang'ung', ago eng' inendet ko mamitei kit ne maimugoksei eng' kainetab Jesu.

MAONATET NE KIMWACHIN GE

Rani ko betunyun ne kitutosi ak Kamuktaindet. Walaksei eng' tugul sobenyun. Mamitei kwamanet, kachililet anan ko kalillanet, eng' kainet ne toror ne bo Jesu! Amen.

TESETAB SOMANET

Tienwogikab Kalosunet 126:1

CHERSET KESOMAN BUKUIT NE TILIL ENG' BETUSIEK 365

Somanetab rani: Ng'atutik 16:9-19:21

www.goodnewsdailydevotional.com



Betutab Tisap, Arawetab Somok 2

SIGET KOBUN SION

Tienwogikab Kalosunet 87:5

Ee, kimwaei agobo Sion kele, Kigisikyin oloto chichi ak chicho; Ak igimiti Ne Toror Mising' inendet.

Chang bik che iityin kabutenywan ole bunu, ak korotikab orenywan. Kobaten mitei imanit ne nyolu kochut kabwatutikwak. Mwaei Bukuit Ne Tilil kole ichek che mi bounatet ko kigisigu eng' Sion. Mwaei barueng'ung' nebo siget kole, kigischin eng' emet kole, anan nganaset kole, anan kokwet kole, kobaten matilu kiy choto, amu inye ne leel ko kima kesikyin oloto. Imuchi iman komwaei baronok kou noto kobaten I chitab Sion. Ibo Sion kotien ge Bukuit Ne Tilil.

Mamitei kasarta ne teerin kimnatosiekab kaimutikab korotikab oret. I chi ne leel, ago kiwalak tuguk tugul koleelagitu. Itinye sobetab Kristo eng' oring'ung'. Mamitei abusnatet, amamitei kabutet eng' sobeng'ung'. Iyaei che maimuch koyai alak, amu I chitab kipsengwet, ne kigisigu kobun barak komong'une keswot ne mang'emaksei. Manden rani, ak oborie ak tulonok che togu ko mainoktoi, ago igeere tugul keyaei koek warengat.

MAONATET NE KIMWACHIN GE

Kigisichon kobun Barak; a chi nebo Sion eng' iman. Matinyei chamjinet bananda ak ng'wanindo eng' sobenyun. Maimuchon oik eng' kainetab Jesu. Amen.

TESETAB SOMANET

Pilipik 3:20-21

CHERSET KESOMAN BUKUIT NE TILIL ENG' BETUSIEK 365

Somanetab rani: Ng'atutik 20:1-23:14

www.goodnewsdailydevotional.com



Betutab Tai, Arawetab Somok 3

TUGUKAB KAMUKTAINDET

1 Johana 4:4

O bo Jehovah, lagochu mengech, ak kioterter ichek: amu o inendet ne mi eng' okwek kosiir inendet ne mi ng'ony.

Ye kimwa keke kit ko "bo tahabu" ko ma keke bunjinet ko tahabu. Kobaten iboru kole, kioto ko kigiyaen tahabu, ak tugukab tahabu. Eng' noto agine ko ngo le Bukuit Ne Tilil ibo Kamuktaindet, koboru kole kigiyaen tugukab Kamuktaindet. Kong'eeten metit agoi kelyek, ko I kaborunetab tugukab Kamuktaindet, tuguk tugul eng' inye ko Kamuktaindet. Ye iwendoti ko mebwat ile I borto kityo ne wendote. Isiire kimnatosiekab tamirmirik.

Mamitei kebebtab mianwogik, bananda anan ko kabutet eng' Kamuktaindet, amu mitei kityok lapkeiyet eng' inendet, ago mamitei mesundeito. Matebyei Kamuktaindet eng' olda agenge koboto setani ak oikyik. Nyolu kogas miondo, ak bananda, ak kereretab met kole, rani ko betut koisto ge. Magotinye kasartab meng'et eng' gotab Kamuktaindet. Ye ichute ole iboisien inai ile, ma inye ne chute kobaten Kamuktaindet inendet. Manden anyun ak ibarait kiwatosieguk!

MAONATET NE KIMWACHIN GE

A chemosit eng' tamirmiriet, ago kit age tugul eng' bortanyun, ko bo Kamuktaindet. Asobe eng' kabelisiet, ago baornatet ko magatiatab betut age tugul eng' ane. Ki aterter ng'ony ole amitei. Mitei Kamuktaindet tuguk tugul che bo sobenyun. Achobot aterteris eng' kainetab Jesu!

TESETAB SOMANET

2 Petero 1:3-4

CHERSET KESOMAN BUKUIT NE TILIL ENG' BETUSIEK 365

Somanetab rani: Ng'atutik 23:15-27:10

www.goodnewsdailydevotional.com



Betutab Aeng', Arawetab Somok 4

EMBASI NEBO KAMUKTAINDET

2 Korintoek 5:20

Noto anyun ki tononjinik agobo Kristo, ko u ye igoigook Jehovah eng' achek; kigoigook agobo Kristo, kele otuiyege ak Jehovah.

Chang bik che maiguitos boisietab embasi. Ibwati kole embasi ko tekset anan ko ofisit ne boisien ambasada. Embasi ko egu embasi kityok olon mitei orit ambasada. Ye mamitei orit yoto, ko ma embasi kobaten got kityo. Kit ne yaei keguuren goyoto embasi, ko olon mitei orit ambasada. Kogergei agine olon kalany ndegeit kandoidetab America, ko egu ndegeinoto Air Force One. Ma ole kigiyaita ndegeit ne yaei koek Air Force One, Kobaten inendet ne mi orit.

Ye mwaei Bukuit Ne Tilil Kole I Ambasada anan ko tononindet ne bo Kipsengewet, koboru kole olda tugul ole imitei, koegu embasi nebo Kamuktaindet. Ole imi ko I lakwetab Kamuktaindet, konyitat oloto Kamuktaindet. Mamitei bananda, rorunet, anan ko nyalilwogik eng' ole mitei Kamuktaindet. Rani eng' ole iwendoten igeere walutik che miachen kityo, amu I ambasada ne bo Kipsengewet ago ole imitei koyaakse koek oldab Kamuktaindet.

MAONATET NE KIMWACHIN GE

A ambasada nebo Kipsengewet. Mitunenyun ko ne bo Kamuktaindet. Mamitei kasartab rorunet, abusnatet, anan ko mianet eng' sobenyun eng' kainetab Jesu. Amen.

TESETAB SOMANET

1 Johana 4:17

CHERSET KESOMAN BUKUIT NE TILIL ENG' BETUSIEK 365

Somanetab rani: Ng'atutik 27:11-28:68

www.goodnewsdailydevotional.com



Betutab Somok, Arawetab Somok 5

YAAIKAB MAT

Mariko 1:35

Ak karon mising' kota koimen, kong'eet ak komanda sang', kwo surkwen, kwo kosa eng' oloto.

Nyiitat ng'ony yaaikab tuguk che terjin kou amitwogik, teknoloji ak kariik. Mitei komosto agenge ne tomo kotiiny, ago kitiinye achek Kristianik. Mwaei Bukuit Ne Tilil kole, ko tomo konyor chi age tugul Kristo, ko king'eete inendet ko ta ko kemoi ak kosa. Tos nee ne kiyaei inendet eng' karonet ko ta komirmir? Kiilali inendet mat. Kimamache konaam inendet betunyin ko ma ilaal mat. Ma mie ichut betut age tugul ko melaal mat eng' oring'ung.

Ye isaei, iyaei mat ak indoi oring'ung', si iegu chi ne maimuche setani ak oikyik. Mamitei kiy ne imuchi mat. Chute ak kobut tolochik. Ye isomani maonatani bo rani, inaaam isa ak inyiit mat oring'ung'. Saet koibe atebetab mat. Mat ing'et isoe, matin ibune kaimutik che tian eng' betung'ung. Inyiit oring'ung' saet anyun, ak iwe iborien komoswek che ibwati ile maimugoksei. Mamitei kiy ago mamitei chi, ne imuchi koteerin anan koteer boisiet, ne kigonin Kamuktaindet eng' kainetab Jesu.

MAONATET NE KIMWACHIN GE

A yaaindetab mat. Ye asaei konakttoi tuguk tugul. Ang'ate tulonok tugul koek atebwet, eng' kainetab Jesu. Amen.

TESETAB SOMANET

Juda 1:20

CHERSET KESOMAN BUKUIT NE TILIL ENG' BETUSIEK 365

Somanetab rani: Ng'atutik 29:1-32:14

www.goodnewsdailydevotional.com



Betutab Ang'wan, Arawetab Somok 6

MWAITA

1 Samuel 16:13

Konem anyun Samuel lalet ne mi mwaita, ak koiil inendet eng' kwenutab tupchosikeyik: ak kinyonji Tamirmirietab Jehovah Daudi eng' kimnatet koboch betunoto agoi. Kong'eeet anyun Samuel, ak kwo Rama.

Ye kin koiil Samuel Daudi, ko kiibwati che kigeer inendet kole ki mwaita kityo ne kimi metinyin. Kobaten kisiire mwaita. Tamirmirietab Kamuktaindet ne kinyor, ko kiitaban inendet eng' che tupcho. Ye kiinaam koyai che bo kwong'et eng' boriet, ko kiigimite inendet mwaita. Kailletab Kamuktaindet ne mi oring'ung', kotabanin eng' bik alak tugul, ago tebyei eng' oring'ung' koigeny. Inaam anyun iboisien mwaato bo Kamuktaindet kong'eete rani. Lakwet age tugul ne bo Kamuktaindet kotinye mwaitab Kamuktaindet, ama kele bo mestowek kityo.

Ye inyoru chametab Kamuktaindet eng' Sirutik, koyaptoi kailanato koityi mung'areng'ung', gong'ung', chametab ge eng' borto, ak komoswek tugul che bo sobeng'ung'. Magimuchi keteerin amu itinye mwaita, ago titye kimnatet chametab Kamuktaindet eng' sobeng'ung'. Agot Jesu ko kimwa kole mitei tamirmirietab Kiptaiyat orinyin, ago kiilat koamda logoiywek che miachen. Kitinye mwaita kosuldaen boisienyin. Eng' rani ko mwaato mi sobeng'ung', kogonu walet ne mi eng' maonatet.

MAONATET NE KIMWACHIN GE

Mitei kailletab Kamuktaindet sobenyun. Atinye mwaita abor ak abounisie. Ang'ate tuguk tugul che tityegei ak sobenyun, kochut ole nyolu eng' kainetab Jesu. Amen.

TESETAB SOMANET

Isaia 10:27

CHERSET KESOMAN BUKUIT NE TILIL ENG' BETUSIEK 365

Somanetab rani: Ng'atutik 32:15-34:12; Josua 1:1-9

www.goodnewsdailydevotional.com



Betutab Mut, Arawetab Somok 7

KIMNATET NE MATINYE TONONET

2 Korintoek 3:18

Ago achek tugul kobortoi torornatetab Kiptaiyat ko u kioit eng' togochikyok che ma tugotin, kewalech eng' itonoto kobunu torornatet agoi torornatet, ko u ye bunu Kiptaiyat ne Tamirmiriet.

Ma tononot bounatetab kamuktaindet. Mwaei Bukuit Ne Tilil kole, kibendi kong'eete torornatet, agoi torornatet age, ak anyun koboru kole mamitei torornatet ne bo let eng' Kamuktaindet. Kasei ta igeer torornatet ne mamitei kagesunet. Imuchi ibwati kole kit ne kiyaiywech Kamuktaindet, ko eng' kamugenyin tugul, kobaten imuchi konyasin inendet eng' kasarwek tugul, eng' che yaei ama ketyingei. Imuchi koyai kit ne leel eng' gong'ung'.

Ng'olyondanito bo maonatet, koyaei kebebaik eng' sobeng'ung', ye itesetai inetigei. Mamitei tononet eng' sobeng'ung', eng' kainetab Jesu. Iwendi kong'eeten torornatet agenge agoi torornatet age. Toror inendet ne mi oring'ung', ago matilu kiy iwege let. Ibute kiwatosiek eng' kimnatetab Tamirmiriet Ne Tilil. Yot tigigoiguk, ak imande sang' igeer Kamuktaindet koyaei kit ne leel eng' sobeng'ung'.

MAONATET NE KIMWACHIN GE

Yaei Kamuktaindet kit ne leel eng' sobenyun. Mamitei kasartab rorunet, kagikyinet, chalwokto, anan ko bananda eng' sobenyun. A keswotab inendet ne toror ago awendi kong'eeten torornatet age, agoi torornatet age.

TESETAB SOMANET

Epesoek 3:20

CHERSET KESOMAN BUKUIT NE TILIL ENG' BETUSIEK 365

Somanetab rani: Josua 1:10-4:24

www.goodnewsdailydevotional.com



Betutab Lo, Arawetab Somok 8

BORIETAB NG'ALEK

Matayo 12:37

Amu kiityinin imanda eng' ng'aleguk, ak kigikyinin eng' ng'aleguk.

Ng'olyot age tugul che imwaei ko mabegu. Kanyei kosuldaen choto kemwa. Kergei ngo iman kit ne kemwa anan achicha, ko ng'etu ng'alechoto kosuldaen che kemwa. Ngot imwa ile uen tuguk, kogeere ng'alechoto kole, kauegitu tuguk tugul che inyoru. Ngot imwa ile sosin chitugul, kogeere ng'alechoto kole kasasin bik tugul. Imuchi ibwaat ile I maotiot ye igeere kosuldoi choto, kobaten inye ne weche ge ak iuite sobeng'ung'.

Oret agenge ne kimuchi keborien ng'alek che yaach, ko kewalen ng'alek che miach. Mwaei Bukuit Ne Tilil kole igikyini ng'olyot age tugul ne kirindoin (Isaia 54:17, ago iboru noto kole imuchi kogirinda chi ng'alek. Ng'alek keborien ak ng'alek. Imuchi ko kiimwaitaenge ng'alek che yaachen, kobaten lewen rani imwa che miachen. I lewenot eng' Kamuktaindet, ago che imwaei kogonu sobet. Mwa ak ing'at borotet, kinnatet, bandab tai ak mieindab borto eng' kainetab Jesu. Chute ge tugul tugul komiagitu ye imwaei ng'alechu.

MAONATET NE KIMWACHIN GE

Ang'ate sobet, kalyet ak borotet. Chute ge tugukyuk tugul, ak komiagitu. Isubota mieindo ak chamnyet ne tala, betusiek tugul kote asobe, eng' kainetab Jesu. Amen.

TESETAB SOMANET

Kalewenaik 18:21

CHERSET KESOMAN BUKUIT NE TILIL ENG' BETUSIEK 365

Somanetab rani: Josua 5:1-8:23

www.goodnewsdailydevotional.com



Betutab Tisap, Arawetab Somok 9

ITIAACH WALUTIK

Johana 7:38

Inendet ne iyana, ko u ye kigomwa sirutiet, kole, bunu moennyi ainosiekab beek che sobei.

Ki anyoru biik che chang' eng' boisietab Kamuktaindet, che mwaei kolen saiwon si kobiit kobwatan abule, senge, kandoindenyun anan ko chorwenyun. Iyani ichek mising' kole, chito age ne nyolu kosor ichek, komong'une uindanywa. Mwaei Bukuit Ne Tilil kole, bunu moeng'ung' ainosiekab beek che sobei. Ainoni ko ma mong'unen Kamuktaindet, anan ko emet age, kobaten mong'unen oring'ung'. Kristo eng' oring'ung' ko kamang'unetab torornatet tugul. Kiy age tugul ne eeten ruondo, ko mitei walutiet oring'ung'.

Ibwaat kole olda tugul ole ite beek, kong'eete sobet eng' oloto. Agot komoswek che yaamatin mising', konyoru sobet ye inaami korondoeng ge beek. Imuchi ko mi ole yaamat eng' sobeng'ung', ago eng' rani anyun iyaaty beekab sobet, eng' ng'alaleng'ung'. Mitei walutik oring'ung', koganye itiakyi komoswek tugul, che bo sobeng'ung'. Walaksei sobeng'ung' koigeny amu mong'unen walutik tamirmirieng'ung' eng' kainetab Jesu.

MAONATET NE KIMWACHIN GE

Walutik tugul che amakyini ge eng' soboni, ko mi orinyun. Ang'ate walutik kobwanji mung'arenyun, katunisienyun, chametab ge eng' bortanyun, somanenyun, ak tugul tugul che bo sobenyun. Amen.

TESETAB SOMANET

Kolosaik 1:27

CHERSET KESOMAN BUKUIT NE TILIL ENG' BETUSIEK 365

Somanetab rani: Josua 8:24-11:9

www.goodnewsdailydevotional.com



Betutab Tai, Arawetab Somok 10

ISTEN BITEET

Mariko 7:13

oyae ng'olyotab Jehovah koek buch eng' biteeng'wong', ne kiong'at: ak oyae tuguk alak che chang' che u choto.

Arorunenyun nebo biteet, ko katonosiet ne bo borotet. Ortinwek che kiboisie keny komuchi komabois eng' rani. Eng' somanetab nasaret ko kigimwoe kele, agenge kicher aeng' ko mayaaksei. Koit kasarta ne inae kole, walutiet ko yaaksetab agenge. Walutiet ne tai ko kiboisie eng' kasarwek che bo ng'ony, amaboisie eng' che bo barak. Mat igerchi Kamuktaindet sandugut orit, ye ilazimisani koyai kou ole imaktoi ak ibwatitoi. Tinye kamuget koyai kit ne leel, kwong'utiet ne leel eng' sobeng'ung', kit ne tomo kegeere eng' gong'wong'.

Mwaei Bukuit Ne Tilil kole kiyai Ng'olyotab Jehovah, koek buch amu eng' biteenywan, amu kima koyani. Kima koyani ichek kole lakwet ne kitam kogesen Maria, ko noto ne kiyaei kwong'utik ak kaborunoik. Kimache ichek koyai inendet, tuguk che kiityindos ak bitenywan, kobaten kibut choto tugul. Eng' rani koyaei Kamuktaindet kit ne leel eng' sobeng'ung'. Kit ne tomo kai kobitu besio, ko nyonjin eng' kainetab Jesu. Iyan kityo.

MAONATET NE KIMWACHIN GE

Mayani ayai Ng'olyotab Kamuktaindet, koek buch ye mayani. Ayani ale tulwet age tugul eng' sobenyun, keyaei koek atebwet. Achobot ayai tuguk che kima imuch koyai kwanisiekyyuk, eng' kainet ne toror nebo Jesu. Amen.

TESETAB SOMANET

Romanik 15:4

CHERSET KESOMAN BUKUIT NE TILIL ENG' BETUSIEK 365

Somanetab rani: Josua 11:10-14:15

www.goodnewsdailydevotional.com



Betutab Aeng', Arawetab Somok 11

KI IMONG'UNE KIMURTOIYOT

2 Korintoek 5:17

Noto anyun, ngo mi chi age tugul eng' Kristo, ko kigeyai inendet koek chito ne leel: kagosiirto tuguk che bo keny; ogeero, kagoek che leelach.

U ne maiyanaksei inamwachi bik alak kole, ma ichek che kiyai kigartat Jesu Kristo eng' kimurtoiyot. Ki imong'une meenyn eng' kimurtoiyot. Meyai inendet kome kobaten, inye ne bo keny, ne kiyai inendet kome. Mwaei Bukuit Ne Tilil kole, ngo mi chi age tugul eng' Kristo, ko kigeyai inendet koek chito ne leel. Mwaet kele 'Leel' ko ng'olyot 'kainos' eng' Yunanik, ne eng' arorunet ko kit ne tomo kai komi besio.

I chito ne leel ne ki tomo kai komi besio. Chalwokto ak kachililitugul, ko kiyaei bortang'ung' ne bo keny. Ichek che itaamin agobo kit ne kogeyai omut, ko kergeri ak chorik che bendi ole kitam imenye, koyome kochorenen. Itinye imanitab Kamuktaindet eng' oring'ung'. Leelagitu tuguk tugul ye iguitosi nito. Matinye oindet anan ko chubet age tugul, kimnatet eng' sobeng'ung'. Itinye sobet ne leel eng' Jesu Kristo. Manden anyun ak igeer torornatenyn ne bo kamanut, koboisei eng' sobeng'ung'.

MAONATET NE KIMWACHIN GE

A chito ne leel. Atinye imanitab Jesu Kristo eng' orinyun. Amwaei aka ang'ate ale, tuguk tugul che bo sobenynun ko leelagitu eng' kainetab Jesu. Amen.

TESETAB SOMANET

Galatiek 2:20

CHERSET KESOMAN BUKUIT NE TILIL ENG' BETUSIEK 365

Somanetab rani: Josua 15-17

www.goodnewsdailydevotional.com



Betutab Somok, Arawetab Somok 12

MAGETAB BOUNATET

1 Samuel 1:11

Ak kiyai kaarortaet ne kiarorto kole, Ee Jehovah ne bo lugosiek, ngot igeer nyalildab cheptang'ung' ne otwoget, ak ibwata, ameutie cheptang'ung' ne otwoget, ak igochi cheptang'ung' ne otwoget werit, agochini anyun inendet Jehovah eng' betusiekyik tugul kote kosobei, ama kicheru sumeekyik.

Oret ne nyumnyum inyorune walutik eng' Kamuktaindet, ko iwalu magutikyik. Che chang' eng' echek kinyiite kipsengwet ak somutik, rirek ak kang'ung'unyet, ama kiteeben Kamuktaindet kit ne machei. Ye iyai kit ne mache Kamuktaindet, ko yaei ne imakyini ge. Ng'anda yamat Kamuktaindet eng' tugul, ko mitei tuguk che kimetechi bikyik koyai eng' ng'ony.

Mwaei (1 Samuel) kole king'erim Ng'olyotab Kamuktaindet, kobor kole kima komitei maotiot, anan ko tugeet ne kiyani nebo Kamuktaindet. Kiingen Hana kit ne kimakyin ge Kamuktaindet, ak kimwa kole, "Ng'ot iyaat moenyun, agonin maotiot." Kigo ge koyai kit ne kimache Kamuktaindet, ak kiwol kou eng' magenyin agine. Cheng' rani kit ne iyachini bounatet,--- toretet anan ko konunetab fedaisiek, anan ko boisiet age tugul eng' gotab Kamuktaindet. Wolun tuguk che mache Kamuktaindet, ago inyoru walutik eng' che imache.

MAONATET NE KIMWACHIN GE

Abo kamanut, ama chi ne mamitei kit ne yaei eng' gotab Kamuktaindet. Kit age tugul ne tinyege ak Kamuktaindet kotiinyon, ago boisiinyin kondou eng' ane. Achutuu sobonwek ak aboisie eng' gotab Kamuktaindet, agoi kogeess ge ng'ony. Amen.

TESETAB SOMANET

Pilipik 4:19

CHERSET KESOMAN BUKUIT NE TILIL ENG' BETUSIEK 365

Somanetab rani: Josua 18:1-21:12

www.goodnewsdailydevotional.com



Betutab Ang'wan, Arawetab Somok 13

TESTAI AK BANDA

Komong'u 14:15

Ak kilenji Jehovah Musa, Amu nee si irirja? Ilenji lagokab Israel koba tai.

Ye kin kogeer lagokab Israel Nyanjet Ne Birir kobole eng' tainywa, ak lugetab Misri kosubi ichek, kobwat ichek kole ki kagesunenywa. Ole kimi ichek ko kigeere meet, ama mitei kamang'unet. Kirirji Maotiot Musa Kamuktaindet, ago kima chobot kogas rirekyik kobaten kilenji Musa, komwachi bik kotestai koba tai. Tos kibendite ano tai, eng' beek che mi tainyon? Nito ko tebut ne imuchi ko kiteeb che chang'. Kinyolu kityo koyan inendet ne kigonu arurutiet.

Eng' nguni imuchi ibune uinwek che u ne mamitei walutik, kobaten mwaei Kamuktaindet kolen, testai ak banda. Ye iwendi tai koboru noto kayaneng'ung'. Ng'eet anyun, yai che ingen, yai agot mung'aret ne kitigin, anan ko kiy age tugul eng' kayanet, ago igeere tulonok konaktoi. Maimuchi koteerin kiy age tugul, ko I lakwetab Kamuktaindet. Testai ak banda.

MAONATET NE KIMWACHIN GE

Atese tai ak banda. Kristo eng' orinyun ko kamang'unetab torornatosiek. Tulonok tugul eng' sobenyun, ko egu atebwet eng kainetab Jesu. Amen.

TESETAB SOMANET

Ng'atutik 28:12

CHERSET KESOMAN BUKUIT NE TILIL ENG' BETUSIEK 365

Somanetab rani: Josua 21:13-23:16

www.goodnewsdailydevotional.com



Betutab Mut, Arawetab Somok 14

KEREETAB TAI

Matayo 14:30

Ago ye kingogeer usonet, koiywei; ak kinegit kolis beek kowaach kole, Kiptaiyandani, sorua.

Kimnatet ne kinyorunen kiy age tugul, ko ung'aat eng' kereetab tai. Ye mitei mageng'ung' tugul ole itokynige, kondoun noto eng' ole isoptoi, leweneng'ung' ak tetutiguk. Kerge ngo boisietab Kamuktaindet, anan ko kiy age tugul, ko bo kamanut kereetab tai. Ye kiguur Jesu Petero komong' eng' moinget, komwa Sirutik kole kiinam anyun kowendot eng' beek barak. Mangen ale nee ne kitestai eng' ng'atutikab beek, kobaten ye kuurin Kiptaiyat kotonondos ng'atutik tugul. Ago ye kiinam kogeer Petero usonet, konaam kolis inendet eng' beek. Ye kigeere inendet Jesu ko kimi komie, kobaten ye kiinam kogeer usonet, konaam kolis.

Mat igeer usonet; keer tai ole itokyini ge. Matin koimin tuguk che mwaei biik, anan ko choronok. Choto tugul ko usonet. Mat ichamji tuguk che yaachen, kowis kereeng'ung' bo tai, testai eng' che iyaei. Mitei sosik ak yomutik, kobaten mat ichamji koisten eng' kereeng'ung' bo tai. Tokyin ge boisieng'ung' bo Kamuktaindet, ago inaami igeere eutab kimnatet ne bo Kamuktaindet koboch nguni eng' kainetab Jesu.

MAONATET NE KIMWACHIN GE

Litit kabwatutikyuk, ago mi komie kereenyun. Magoi kiwisan eng' maget, ak boisietab Kamuktaindet eng' sobenyun. Amen.

TESETAB SOMANET

Kalewenaik 4:25

CHERSET KESOMAN BUKUIT NE TILIL ENG' BETUSIEK 365

Somanetab rani: Josua 24; Kiruogik 1-2

www.goodnewsdailydevotional.com



Betutab Lo, Arawetab Somok 15

KERICHOT NE NYUMNYUM

Kalewenaik 17:22

Kerichek che miach muguleldo ne igasegei: Ago iyaami kowek tamirmiriet ne katanui.

Begu bik milionisiek che chang' eng' mianwogik betut age tugul. Ng'anda iyumi ge bik che terjin kochigil kerichok, ko mitei mianwogik che tomo konyor kerichok. Tos ingen ile kasarta age tugul ne inyime ak itinye boiboiyet, ko yoto ole iistoege mianwogik? Mianwogik che chang' kenyorunen kereretab met, ak borto ne mamitei komie.

Mwaei Kalewenaik kole, baibaitun ak igasegei, ak yoto ichopchini ge kerichok. Nyumnyum kosop bortang'ung ye ibaibai, kosiir ye iboisien kerichok che chang' betut age tugul. Imuchi ko kayaun chi, kiy ne ya kobaten lewen boiboiyet. Chi ne kayaun ne ya komye muguleldang'ung, ak kong'wanite ak neregek. Nyochin kaat anyun, ak ilewen ibaibaitu. Nyim eng' kwenutab uindo, ago wekse anyun chometab ge nebo bortang'ung'. Itesetai ak chometab ge nebo bortang'ung'.

MAONATET NE KIMWACHIN GE

Chamnyet, kalyet, ak borotet ko chechuk. Aleweni abaibait. Boiboiyenyun kondou, ago mimitei kit ne imuchi korebenan eng' kainetab Jesu. Amen.

TESETAB SOMANET

Pilipik 4:4

CHERSET KESOMAN BUKUIT NE TILIL ENG' BETUSIEK 365

Somanetab rani: Kiruogik 3-5

www.goodnewsdailydevotional.com



Betutab Tisap, Arawetab Somok 16

LUGET NE MIE

1 Timoteo 1:18

Kagonin kayomisoni inye lakwennyu Timoteo, ko u amdaosiek che kisib kemwa agobo inye si kobiit imuch iyai luget ne mie eng' choto;

Ye igas kemwa kele “luget ne mie”, koboru kole mitei agine luget ne ya. Kicheer Paulo Timoteo koyai luget ne mie, koboisien maonatosiek tugul che kigigochi. Maonatet ko karik che kiboisien keyai luget. Kasarta ne inyoru maonatet, ko kagigimitin iyai luget. Maimuchi koterin oik alak tugul, anan ko kiy age tugul amu itinye kayanet, eng' kit ne iyachini luget.

Bukuit Ne Tilil ko Ng'olyot ne ititayat ne bo maonatet, ago anyun mamitei chi age tugul ne iyani Bukuit Ne Tilil, ne imuchi komwa kole tomo kai konyor maonatet. Boisien kayomisutik tugul che bo Kamuktaindet eng' Sirutik che tililen, anan ko ng'olyot age tugul ne kigemwaun, iyaen luget. Mwachin ole imi ak tuguk tugul che mi sobeng'ung ilenji, magimuchi keterin amu eng' maonateng'ung'. Memuchi ime agoi igeer kosuldoi eng' kainetab Jesu.

MAONATET NE KIMWACHIN GE

Aiboti ng'olyotab maonatet nebo boisienyun eng' Kamuktaindet, gonyun, mung'arenyun ak tuguk tugul. Maboton meet. Asobe ak ageer maonatenyun kosuldoi. Haleluya.

TESETAB SOMANET

Jeremia 1:12

CHERSET KESOMAN BUKUIT NE TILIL ENG' BETUSIEK 365

Somanetab rani: Kiruogik 6-7

www.goodnewsdailydevotional.com



Betutab Tai, Arawetab Somok 17

KIMNATETAB NG'OLYONDENYIN

Tienwogikab Kalosunet 138:2

Agutunyi atokyinige hekalung'ung' ne tilil, Ak agochini kaineng'ung' kongoi amu chamnyeng'ung' ne tala amu imandang'ung': Amu kiiet ng'olyondeng'ung' kosiir kaineng'ung' komugul.

Inang'alalen Kimnatet, imuchi ibwaat malaikaisiek ak kimnatosiekab kwong'et, che mandaen sobetab bik. Kobaten mitei kit ne korom mising', kosiir kainetab Kamuktaindet, noto ko Ng'olyondenyin. Ko nyumnyum kou ye u, koboisie Kamuktaindet kosip ge ak Ng'olyondenyin. Maimuchi koyai kiy ne maisubi ge ak Ng'olyondenyin. Itororot kosiir kainenyin, ago noto anyun si ye itokyi ge Sirutik kasarta age tugul, iweksei ak baornatet.

Ye isomani sirani bo maonatet, kotesetai kochutin kimnatetab Kamuktaindet. Lewen isoman Sirutik ak iguiye. Yetun eng' chametab Kamuktaindet, kobun Ng'olyondenyin. Noto ko Ng'olyot ne ititayat ne bo maonatet. Amwae ak ang'ate ale ye isomani Ng'olyondeni, ko mitei walet ak kawiset eng' sobeng'ung', eng' kainetab Jesu.

MAONATET NE KIMWACHIN GE

Atokyini ge Sirutik, ago tetat baornatenyun. Amwae ak ang'ate ale, amitei oret ole nyolu asub, aboisien Ng'olyotab Kamuktaindet. Amen.

TESETAB SOMANET

2 Timoteo 3:16-17

CHERSET KESOMAN BUKUIT NE TILIL ENG' BETUSIEK 365

Somanetab rani: Kiruogik 8-9

www.goodnewsdailydevotional.com



Betutab Aeng', Arawetab Somok 18

KESISIET NE CHOBOT

Matayo 9:37

Kilenji anyun alamalyennyi, O kesisiet iman, ago ng'ering' kiboitnik;

Sobetab Kristianik ye magitesta kesisietab sobonwek, ko sobetab ng'ony. Kesisietab sobonwek ko ma boisietab mestowek kityo, kobaten bo Kristianik tugul. Kimwa Kiptaiyat Jesu kole, "Oyot met, ak ogeer mbarenik, ole kagoleelagitu, kagoyam keges." (Johana 4:35). Ago igose che chang' komwae kole ui ng'ony, agot mestowek. Ogeere kole king'atech Jesu "keyot met" amo kegeer ng'ony. Kimwa kole chobot kesisiet, ago boisieng'ung' ipcheite Sirutik eng' kutit, anan agot iropte sirutichu.

Mat iserten logoiywek. Kong'eeten sainito ipcheite logoiywek, koityi bik alak. Toret che otupche koyaana Kristo. Igun ne kese sobonwek kobwanji Kristo. Inaam inai kole sobonwek ata, che kiimutu kobwanji bounatet. Iyapten logoiywek, mat iserten!

MAONATET NE KIMWACHIN GE

A amdoindetab kagaigaet, ago sobenyun ko anyiit bik Kipseng'wet, ak among'u che chang' eng' oldab mat. Agonu ge ayapta logoiywekab Jesu Kristo, agoi koges ge ng'ony. Bo torornatet Kamuktaindet.

TESETAB SOMANET

Kalewenaik 11:30

CHERSET KESOMAN BUKUIT NE TILIL ENG' BETUSIEK 365

Somanetab rani: Kiruogik 10-13

www.goodnewsdailydevotional.com



Betutab Somok, Arawetab Somok 19

NGELELIKAB KRISTO

Boisionikab Che Kiyoktoi 15:26

Bik che kigogoito sobonwekwak amu kainetab Kiptaiyandennyo Jesu Kristo.

Kiagas bik che chang' kolen igochin tiseiywek che chang' Kamuktaindet, amu eng' tuguk che yaei eng' gotab Kamuktaindet. Iguiyen kole sobeng'ung' ko ma neng'ung', bo yaindeng'ung' ago nyolu ibegechige inendet. Sirutietab rani kong'alalen bik che kiigoito sobonwekwak, amu eng' kainetab Jesu Kristo. Ki chobotin kobet tuguk tugul, amu eng' logoiywek che bo Kristo.

Tos kiinde kiy age tugul ole ya, amu eng' logoiywekab Kristo? Lewen oretab Kristo, ak iamde logoiywekyik eng' kimnatet. Imuchi koibun usisiet, yaityo ak chotisiet, kobaten o meleкто eng' let. Itinye kurset ne o, iamde logoiywek chebo Kiptaiyat Jesu Kristo. Imuchi ko kiiyan Jesu ye isomani sirani, ago kit ne isubi anyun, ko iamdechi chito age. Yai mung'aretab bounatet, ibeljiin ge sobonwek, agoi kogeese ge ng'ony.

MAONATET NE KIMWACHIN GE

Bitunat chametab Kamuktaindet, amanda ak amutu sobonwek che chang', kobwanji bounatet. Che kitupche tugul che tomo koyan Kristo, koyani amu eng' ane. Kongoi Kiptaiyat Jesu amu eng' chameng'ung', kewal sobonwek kobwanji bounatetab Kamuktaindet. Amen.

TESETAB SOMANET

Boisionikab Che Kiyoktoi 17:6

CHERSET KESOMAN BUKUIT NE TILIL ENG' BETUSIEK 365

Somanetab rani: Kiruogik 14-16

www.goodnewsdailydevotional.com



Betutab Ang'wan, Arawetab Somok 20

KIOIT NE KITESEN KERET

Tienwogikab Kalosunet 69:30

Alosu kainetab Kamuktaindet eng' tiendo, Ak amwae kongoi atorori inendet.

Kioisiek che kitesen keret, keboisien kenyor keret ne mie eng' kiy age tugul. Ngot iboisien kioinoto igeren birechot, igeere tuguk che tomo igere besio. Ye mwaei Bukuit Ne Tilil kole kitoror Kamuktaindet, koboru kole igeer inendet eng' keret ne kaigai. Ye togu ko uon echen uinweguk, imwachi uinwechoto agobo Kamuktaindet ne o, ne kiyai ng'ony ko mamitei kiy,—inendet ne kiyai ng'ony amatinye yaindenyin.

Kiinaite che imwachini Kamuktaindet agobo uinweguk, kobaten eng' rani ilewen imwachi uinweguk, agobo Kamuktaindeng'ung' ne o. Itoror inendet eng' taitab kewelinwek. Amdech in miando, agobo Kamuktaindet ne isobi mianwogik tugul. Bananda ko ma kebebertang'ung, ilosun Kamuktaindet ne tinye tuwa eng' tulonok elfusiek. Amdech in kewelinon etenen ruondo, ago igeere kogutunyi eng' kainetab Jesu.

MAONATET NE KIMWACHIN GE

Mamitei tulwet ne o kosiir Kamuktaindenyun. Tuguk tugul che tiinyege ak sobenyun, kobitu ago yamatin eng' kainetab Jesu. Amen.

TESETAB SOMANET

Tienwogikab Kalosunet 34:1

CHERSET KESOMAN BUKUIT NE TILIL ENG' BETUSIEK 365

Somanetab rani: Kiruogik 17:1-20:11

www.goodnewsdailydevotional.com



Betutab Mut, Arawetab Somok 21

ALPHA AK KO OMEGA

Ng'ang'utiet 22:13

A Alpha ak ko a Omega, ne bo tai ak ne bo let, taunet, ak kagesunet.

Kaguiyet ne terter ne bo kanetetab ge, ne bo Bukuit Ne Tilil, koyain iguiye kole kutuswek che tai che bo Bukuit Ne Tilil, ko kigisomani kong'eete tai akwo katam, ama katam keba tai. Iboru noto kole agot "Alpha ak ko Omega", ko nyolu ko "Omega ak ko Alpha". Kamuktaindet ne kilosu ko noto ne inaamen kagesunet, ko tomo taunet. Mwaei Bukuit Ne Tilil kole kigigartat Kristo, koboch taunetab ng'ony, ago iboru noto kole kimitei kagesunenyin, ko tomo kosich inendet Maria. Kiiges Kamuktaindet tuguk tugul agobo inye, ago kiiberurin ak tuguk tugul koboto che bo tamirmiriet, ko tomo agot ibitu.

Eng' konyekab Kamuktaindet, ko milionisiechoto icheng'e ko kigitiagun, koboto chamertab ge ne bo bortang'ung'. Namchin ge berurtang'ung' rani, ye itesetai imwae ak ing'ate eng' tamirmiriet. Kigonin Kamuktaindet tuguk tugul che nyiitatin, ago mamitei kiy ne rorunot eng' kainetab Jesu.

MAONATET NE KIMWACHIN GE

Fedaisiekyuk, kasobenyun, etunenyun ak tugul alak, ko kigegonon eng' kainetab Jesu. Ayumchini ge tugukyuk. Ma roruon kiy eng' kainetab Jesu. Amen.

TESETAB SOMANET

2 Petero 1:3

CHERSET KESOMAN BUKUIT NE TILIL ENG' BETUSIEK 365

Somanetab rani: Kiruogik 20:12-21:25; Ruth 1:1-2:13

www.goodnewsdailydevotional.com



Betutab Lo, Arawetab Somok 22

CHE NAATIN ENG' OLDAB TAMIRMIR- IK

Boisionikab Che Kiyoktoi 19:15

Ak kiwolji tamirmiriet ne ya ichek, kolenji, Angen Jesu, ak angen Paulo: ago okwek ko o ng'o?

Nyitat ng'ony bik che kemwae kele naatin mising', ago naatin eng' amuneisiek che terjin. Mitei ng'ony iman bik che naatin eng' ng'ony, kobaten imuchi inaage eng' ng'ony, ama kingenin eng' oldab tamirmirik. Keer sirutienyon ne bo rani--- imuchi ko kinaaatin werikab Skeba eng' kanisenywa, amu ki mestowot kwanda, kobaten eng' oldab tamirmirik ko kima kingen ichek.

Ye kin komwa tamirmiriet ne ya kole "Angen Paulo", ko ng'olyot 'angen', koboru kole kenai komie, ak kebaorianji ge chito. Kinaat Paulo eng' oldab tamirmirik, kot ko kiingen inendet oik, ago kimaimuchi koim inendet agot eng' ng'ony. Inetkei Sirutikab Kamuktaindet ak isa, kot inaage eng' oldab tamirmirik. Igun chi ne naat eng' oldab tamirmirik, ago ye inaat eng' tamirmirik ko mamitei kimnatet age tugul, ne imuchi koterin eng' ng'ony. legu ne sire kiwatosiek eng' kainetab Jesu.

MAONATET NE KIMWACHIN GE

Ng'olyotab Kamuktaindet, ko noto ne indoiywon. Aetu eng' chametab Kamuktaindet, ye aneti ge Sirutik. Abounisieie eng' tamirmiriet ak eng' ng'ony, eng' kainetab Jesu. Amen.

TESETAB SOMANET

Romanik 15:17

CHERSET KESOMAN BUKUIT NE TILIL ENG' BETUSIEK 365

Somanetab rani: Ruth 2:14-4:22; 1 Samuel 1

www.goodnewsdailydevotional.com



Betutab Tisap, Arawetab Somok 23

ALAMALAIK CHE MI EMOTINWEK

Matayo 28:19-20

Noto anyun oba, ak oyai bikab bororiosiek tugul koek alamalaik, obatisan ichek eng' kainetab Kwanda ak ne bo Werit ak ne bo Tamirmiriet ne Tilil; onet ichek kosub tuguk tugul che kaang'atak: ak ogeero, ami kobotok eng' betusiek tugul, agoi kagesunetab ng'onny.

Kebeberta ne ting'en chito kimnatet, koboru komosta ne imuchi chichoto. Imuchi ko mung'aret, koboru ole ite kimnatetab chichoto. Sirutietab rani koboru kole kiguurech Kamuktaindet, keityin bikab emotinwek. Kiguurech keyai emotinwek koek alamalaik, ama kokwatinwek anan ko kayumanik che mengech kityo. Mache iyai Amerika, Afrika anan ko Asia koigeit tuyeng'ung' ne ming'in.

Ibo emotinwek ama kokwatinwek kityo. Mat ibegechi ge kokweng'ung' ne ming'in kityo. Nam keeretab Kamuktaindet, eng' tuguk tugul amu, kigiguurjin tuguk che eechen. Kabwatutionong'ung iyai kobunji emotinwek, ama kokwet kityo. Iboisiechini Kamuktaindet ne ma kigerji olda agenge; bou tuguk tugul, ago Kiptaiyatab tuguk tugul. Manden rani, ak ibut kiwatosiek eng' kainetab Jesu.

MAONATET NE KIMWACHIN GE

Konyon emotinwek, ago eng' rani aleweni abarta torornatetab Kamuktaindet. Amwae ak ang'ate ale, mamitei kit ne teron eng' kainetab Jesu. Amen.

TESETAB SOMANET

Jeremia 1:10

CHERSET KESOMAN BUKUIT NE TILIL ENG' BETUSIEK 365

Somanetab rani: 1 Samuel 2-4

www.goodnewsdailydevotional.com



Betutab Tai, Arawetab Somok 24

NE TETE KOSIIR TUGUL

Johana 14:26

Ago inetok tuguk tugul Kagaigaindet, Tamirmiriet ne Tilil, ne iyogu Kwanda eng' kainennyu, ak kobwatwok tugul che kaamwawok.

Kampunisiek anan ko emotinwek che echen, ko amu eng' tetutik che echen. Tetutik che kororon che ibestos che echen, eng' che mengechen. Eng' nguni kit ne imakyini ge imong'u eng' kewelutieng'ung, ko tetutiet ne ititaat. Tebut ne itinye ko ni, tos nee tetutiet ne kararan, anan tos anyorji ano tetutianoto?

Ye aroru Bukuit Ne Tilil kole Tamirmiriet Ne Tilil ko kagaigaindet, ko eng' arorunet ne mie, ko ine ne tete kosiir tugul. Noto Tamirmiriet Ne Tilil. Tinye ortinwek tugul che boisien, komong'isun eng' kewelutik. Saa ak iib kasartab yamdaet ak Tamirmiriet Ne Tilil. Omitei tuwan eng' tuguk tugul, ago indoun eng' tuguk tugul. Saachin Kamuktaindet ak itebesen Tamirmiriet Ne Tilil, si koborun tuguk tugul. Neng'ung' kabelisiet ak borotet eng' kainetab Jesu.

MAONATET NE KIMWACHIN GE

Kimitei tuwan ak Tamirmiriet Ne Tilil, indoiwan komie betusiek tugul che bo sobenyun. Tesetai kobaraitu mung'arenyun, eng' kainetab Jesu. Nenyun borotet, ago etunet ko baornatenyun nebo betut age tugul. Amen.

TESETAB SOMANET

Johana 16:13

CHERSET KESOMAN BUKUIT NE TILIL ENG' BETUSIEK 365

Somanetab rani: 1 Samuel 5:1-9:10

www.goodnewsdailydevotional.com



Betutab Aeng', Arawetab Somok 25

DIVAIK CHE LEELACH

Luka 5:37

Ama mi chi ne indoi divaik che leelach lolotinwek che osen; ngo yai ko u noto ko kereri divaik lolotinwek, ak kotumdagei, ak kong'emogis lolotinwek.

Ma tononot Kamuktaindet ago eng' kasarwek tugul, ko tinya kit ne leel ne nyasenen ak gong'ung. Chang' che ng'etunot eng' ortinwek che bo keny, ama ingen kole kile Kamuktaindet, yaei kit ne leel eng' kwenung'wong'. Mwaei Sirtuk kole memuchi inde divaik che leelach, lolotinwek che osen, amu kereroksei. Nyolu ichopchigei kamuget ne yome itaach, ko tomo kochundeun Kamuktaindet kaberuret. Isten ortinwek tugul che kibo keny eng' tamirnirieng'ung', ak ichamji Kamuktaindet koyai kit ne leel eng' sobeng'ung'. Igun lolet ne leel ak itaach berurto ne leel.

Inye ne os komuchi ko nyitat chorimnotet ak abusnatet, kobaten eng' rani iwalage eng' kimnatetab Tamirmiriet Ne Tilil. Ye iname ng'alechu, kotesetai kowalaksei tamirmirieng'ung, si kobiit imuch inam kaberuret ne leel nebo Kiptaiyat. Ma ogergei ak chitugul, esien tuguk tugul che isubi ge ak ng'onoy, ak isiky kasarta chebo barak. Rani amwaei ak ang'ate ale, yaei Kamuktaindet kit ne leel eng' sobeng'ung.

MAONATET NE KIMWACHIN GE

A lolet ne leel ne taache divaik che leelach. Mitei chametab Kamuktaindet aboi borotet, mung'arosiak, boisietab Kamuktaindet ak tuguk tugul eng' kainetab Jesu. Amen.

TESETAB SOMANET

Epesoek 4:23-24

CHERSET KESOMAN BUKUIT NE TILIL ENG' BETUSIEK 365

Somanetab rani: 1 Samuel 9:11-12:18

www.goodnewsdailydevotional.com



Betutab Somok, Arawetab Somok 26

BUNJINET ENG' TAMIRMIRIET

1 Korintoek 13:12

Amu nguno kegeere eng' kioit, eng' tamirmiron; ago tun ko togoch eng' togoch: nguno angen eng' kebeberta; ago tun anae ko u ye kigenaa.

Bunjinet ko kimnatet ne yatun kurgotik, olon sisat kit age tugul. Ye kete karit kandoidetab emeng'ung eng' oret, ko kit ne yaei kotononso tuguk tugul, ko kaguiyet kole ng'o ne nyone. Naet kole chi ne o ne nyone, ne yain iwal atebeng'ung. Bunjinenyon ko ki lagokab Kamuktaindet, ko noto ne konech kimnatet eng' tamirmiriet, ketononjin tugul chebo tamirmiriet ak chebo ng'ony.

Mwawech Bukuit Ne Tilil kole, ye kitesetai kenae Ng'olyotab Kamuktaindet eng' sirutik, ak kanetutik, ketesetai kewalaksei keigu itondab Kamuktaindet. Kinyoru bunjinenyon ne kibo tai, amu kigiyaech eng' itondab Kamuktaindet. Mamitei kasartab kabutet amu ingen kole I ng'o, eng' taitab Kamuktaindet. Ma kigikyin, I chamat ago o inendet ne mi oring'ung' kosiir inendet ne mi ng'ony. Ng'eeet anyun ak indochi sobeng'ung'. I laptetab kondab Kamuktaindet eng' kainetab Jesu. Amen.

MAONATET NE KIMWACHIN GE

Kigisikwon kobun Kipsengwet, asobe ami barak eng' tugu tugul. Ma boton kabutet, atese tai asobe eng' chang'indo, eng' kainetab Jesu. Amen.

TESETAB SOMANET

2 Petero 2:9

CHERSET KESOMAN BUKUIT NE TILIL ENG' BETUSIEK 365

Somanetab rani: 1 Samuel 12:19-14:42

www.goodnewsdailydevotional.com



Betutab Ang'wan, Arawetab Somok 27

TIET NE BUNU KIPSENGWET

1 Samuel 17:45

Yeityo kolenji Daudi Pilistindonoto, Kenyonja ak rotwetab chok, ak ng'otit, ak ndirit: ago kanyonjin eng' kainetab Jehovah ne bo lugosiek, Kamuktaindetab lugosiekab Israel, ne koireny.

Ye igeer askarindet kobogoriot ne ming'in, kotononi eng' oret, ko nyumnyum kotonosiin ago anyun isubi ng'atutienyin. Amune si isub ng'atutienyin ko ma amun askarindet, kobaten isubi amu eng' kit ne tie inendet. Imuchi ko ming'in eng' borto kobaten eng' batenyin ko serikalit tugul ak kimnatosiekyik tugul. Tien ge kole mi ano tieng'ung'. Kiming'in Daudi eng' borto kin kiyanien Goliat, kobaten kitie inendet Kipsengwet.

Itinye aginye tiet ne bunu kimnatetab kipsengwet, ago o inendet ne mi oringung'. Borien anyun kewelutiet, ak kimnatet age tugul eng' kainetab Jesu. Isuldoi eng' oret ne nyumnyum, amu matiin tuguk che kiinyorji ge, anan ko kimnatetab ng'ony, kobaten tiin Kipsengwet. Manden anyun ak ibelisie.

MAONATET NE KIMWACHIN GE

Atien ge Kipsengwet. Aborien kimnatet age tugul ne ya. Yatatin kurgotikyuk eng' kimnatet, ak kailletab Tamirmiriet Ne Tilil. Amen.

TESETAB SOMANET

Hebranik 13:5

CHERSET KESOMAN BUKUIT NE TILIL ENG' BETUSIEK 365

Somanetab rani: 1 Samuel 14:43-17:25

www.goodnewsdailydevotional.com



Betutab Mut, Arawetab Somok 28

KATERTERIK KOT KOSIIR

Romanik 8:37

Ago, ki katerterik kot kosiir eng' tuguchu tugul eng' inendet ne kichamech.

Lugosiek kobendi eng' kebeberwek; chobet, boriet, ak kagesunetab boriet anan ko kabelisiet. Ye Mwaei Bukuit Ne Tilil kole, ki katerterik kot kosir, ko kaibor keberberta age ter. Katerterik kotesetai koborien bunyot, kobaten ichek che kagosiir katerterik, ko kagobelis ago iburtos eng' kabelisiet. Kere alak che tesetai ak boriet, amu kagosiir ichek kebebertab boriet.

Kigiterter bunyot, elfusiekab kenysisiek che kigosiiro, eng' kimurtoiyot. Ago anyun ko kasarta, keboiboenjjin barunenikab boriet. Setani ak oikyik, ko mi tugul kureretab kelyekyok---amu bo oloto. Maimuchi koesien kiy age tugul, amu iburii eng' kebebertab kabelisiet, eng' kainetab Jesu.

MAONATET NE KIMWACHIN GE

Kiasiir kebeberta ne kiborien bunyot. Kiaterter inendet keny, eng' kainetab Jesu. Tetat borotenyun ak etunenyun ak chang'indo, eng' kainetab Jesu Kristo. Amen.

TESETAB SOMANET

Johana 19:30

CHERSET KESOMAN BUKUIT NE TILIL ENG' BETUSIEK 365

Somanetab rani: 1 Samuel 17:26-19:24

www.goodnewsdailydevotional.com



Betutab Lo, Arawetab Somok 29

BOUNETAB KOMOSWEK

Boisionikab che Kiyoktoi 9:10

Ak kimi alamalyet age Damasko, ne kigiguure Anania; ak kilenji Kiptaiyat inendet eng' ng'ang'utiet, Anania. Kowol kole, Ami yu, Kiptaiyandani.

Ye wo kandoidetab emet komosto age tugul, koegu oloto komostab ripset ne mi barak. Askarik ak ribiik alak, kenyoru eng' olan tugul. Ye ichute komosto ne u noto, inae eng' chakyinet kole, mi chi nebo kamanut oloto. Noto ko bounetab komoswek eng' ng'ony, ago anyun ko mitei bounetab tugukab tamirmiriet, ne inyorjini ge ko I lakwetab Kamuktaindet.

Ye kitiem Paulo kochut komosto, ne kibou sautikab Anania, kokwer inendet lapkeiyet ne kibunu Kipsengwet. Sobeng'ung ko I lakwetab Kamuktaindet, ko komosto ne manyolu kotiiny setani ak oikyik. Inyiit sautik oldab tamirmirik, ak iyai ng'otwet ne tere kaberberisietab bunyot. Ye isaei rani, ilumdoi toloita ne tere bunyot ak ortinwekyik tugul. Itesetai iwendote eng' kabelisiet, ak kimnatet eng' kainetab Jesu.

MAONATET NE KIMWACHIN GE

Sobenyun ko ma ole nyolu koityi Setani ak oikyik. Aesioi boisiet tugul ne bo mesundeito, ne tokyin ge sobenyun, eng' kainetab Jesu. Amen.

TESETAB SOMANET

Jeremia 1:10

CHERSET KESOMAN BUKUIT NE TILIL ENG' BETUSIEK 365

Somanetab rani: 1 Samuel 20-22

www.goodnewsdailydevotional.com



Betutab Tisap, Arawetab Somok 30

KATILILETAB EMET

Mariko 5:10

Ak kisom inendet mising' kole, ama on komanda eng' emonoto.

Kin komache Jesu komanda tamirmirietab chang'indo, komong'une chito ne kimi orinyin, kowokyo kole mat keon komanda, eng' emonoto. Nganda ki mamitei kiy age kobaten komanda eng' chichoto, ko kiyom kosom Jesu, kole kong'et eng' emonoto. Kiiyani komanda eng' chichoto, ama eng' emonoto. Imuchi ko kigitiachin ko ichito, kobaten imenye emet ne ma tilil. Imuchi kotiagatin lagokuk kobaten somanen sugulit ne nyitat oik.

Ng'olyotab Kamuktaindet ak saet, ko choto che kitililen ge. Iyani emet ne imitei tugul mituneng'ung, ye ietu eng' sirutik ak eng' naetab Jesu Kristo. Ma iming'in, kobaten ltinye kimnatet ibut irimosiek. Ng'at ak imwa ile ole iboisien, gong'ung', ak olda age tugul ole imitei, kotiagat eng' kainetab Jesu.

MAONATET NE KIMWACHIN GE

Itiagat gonyun eng' oik alak tugul. Ang'ate ole amitei, konyi tamirmirietab Kamuktaindet. Olda tugul ole atieche, kobotani oik. Olda tugul ole mutyon, ko ma nyolu korikyi oik. Haleluya.

TESETAB SOMANET

Hebranik 4:12

CHERSET KESOMAN BUKUIT NE TILIL ENG' BETUSIEK 365

Somanetab rani: 1 Samuel 23:1-25:31

www.goodnewsdailydevotional.com



Betutab Tai, Arawetab Somok 31

METOETAB CHE KIGOSIIRTO ENG' LET

Komong'u 14:29

Ago kibun lagokab Israel emet ko kagoyaam eng' kwenutab nyanjet; ak kitoten beek eng' komosi ak komosi.

Ye kin komanda lagokab Israel, eng' chogitab otwagnatetab bik eng' Misri, ko kigeer Kamuktaindet kole kabun ole yamat, eng' Nyanjet Ne Birir. Kima komache kochut ichek Kanan, ak ng'atokat Misri. Eng' let ko kimeto otwognatet, bananda ak ng'wanindo. Ki mamache Kamuktaindet, age tugul eng' tuguchoto, kosub ichek agoi sobenywa ne leel. Imuchi ko kita imi ng'ony, anan itaache Jesu Kristo ngunito, ago anyun ko mamitei kebeberta ne ng'etunen tugukab Misri. Kitesese tai kewalin---kewalin ichutyi sobetab Jesu.

Eng' Jesu Kristo ko ichito ne leel. Chalwagikuk ak kachililitik che bo keny, ko matinye kebeberta age tugul. Kichalwogen inye ne bo keny, ago kigosirto noto anyun. Ma kosubin ng'atokat alak tugul, che bo Misri eng' Kanan. Matinye kebeberta mianwogik ak bananda, eng' sobeng'ung ne leel eng' Kristo. Ye kigesu arawanito, ak kechute age ne leel, ko mamitei kabutet, kagaetab ge anan ko esioet, ne chute arawanato leel eng' kainetab Jesu.

MAONATET NE KIMWACHIN GE

Kigogees ge ole kiabunu; atinye sobetab Kristo eng' orinyun. Inendet ko kamang'unetab torornatet tugul. Ang'ate ak amwae ale yaei Kamuktaindet kit ne leel, eng' komoswek tugul che bo sobenyun. Amen.

TESETAB SOMANET

Isaia 43:19

CHERSET KESOMAN BUKUIT NE TILIL ENG' BETUSIEK 365

Somanetab rani: 1 Samuel 25:32-30:10

www.goodnewsdailydevotional.com

KIPTAIYANDENYON JESU KRISTO

Kiptaiyandenyon Jesu Kristo ko toloitab kayanetab Kristianik.

Sobenyin ak kanetutikyik ko kiwal mising' atebetab bik.

Kiptaiyandenyon Jesu Kristo ko naat eng' rirenetab ge ne mamitei ne kergei, ng'omnatet, ak boisionikab kwong'et che kiyai. Kanetutikyik ko kitononen chamnyet, nyoetab kaat, kayomisutikab sobetab koigeny, ak igochin kamang'unet ak katiaget ichek che iyani inendet. Eng' boisienyin ko kiwendot inendet eng' emetab Judea kosoobi che miandos, kogaigai che nyalildos ak koamdoi agobo bounatetab koigeny ne bo Kamuktaindet.

Taagetab Jesu koek Kiptaiyandeng'ung ak sorunindeng'ung, ko iyan kanetutikyik, ak itaach waletab sobeng'ung ne bunu indendet. Noto ko oret ne bo yametab ge eng' tamirmiriet, tononet eng' kayanet, chamnyet ak kayomisutietab sorunet. Eng' Kiptaiyat Jesu Kristo kenyoru kimnatet, kamang'unet ak oretab sobondab koigeny. Kenyor kagesunetab ge anan sorunet, ko kigochi ge Kamuktaindet ak tetutikyik ak magenyin eng' sobenyon. Noto ko keistoege ortinwekyok che kigosirto ak kewekyigei Jesu Kristo, kesom nyoetab kaat eng' tengekwoikyok, ak kogonech sobet ne leel eng' inendet.

Romanik 10:9 komwaei kole:

Nging'any eng' kuting'ung' ile Jesu ko Kiptaiyat, ak iyan eng' muguleldang'ung' ile kiing'eet Jehovah inendet komong'une che kibek, kesoron:

Sorunet ko konunotiot ne kigonech buch Kamuktaindet, ak keegu lagokyik. Noto ko koyanin Kamuktaindet ibunji gonyin, ak kogimitin isop sobet tugul komie ak ibegechige ibaarte Kamuktaindet eng' tuguk tugul che kiyai eng' ng'ony.

TOS KIIYAN JESU KRISTO?

KITAACHIN IYAI JESU KRISTO
KANDOINDETAB SOBENG'UNG' YE ISA KO U NI;

"EE, KIPTAYAT KAMUKTAINDET, KANYONJIN
ENG' KAINETAB JESU KRISTO, AYANI ENG'
MUGULELDANYUN TUGUL, JESU KRISTO
WERITAB KAMUKTAINDET NE SOBE. AYANI
ALE KIME AGOBO ANE AK KIING'EET INENDET
KAMUKTAINDET KOMONG'UNE CHE KIBEK.
AYANI ALE SOBE RANI. ANG'ANYE ENG' KU-
TINYUN ALE JESU KRISTO KO KIPTAYATAB
SOBENYUN KOBOCH RANI. ENG' INENDET AK
ENG' KAINENYIN ATINYE SOBONDAB KOIGE-
NY; KAGESORUON. KONGOI KIPTAYAT AMU
KAISORU SOBONDANYU! NGUNO A LAK-
WETAB KAMUKTAINDET. HALELUYA!"

**IBERUROT! NGUNO KAIEGU LAKWETAB
KAMUKTAINDET.**

To receive more information on how you can grow
as a Christian, please get in touch with us on

**UK: +44 3333 448 612 / USA +1 240 781 6942
RSA +27 51 004 0209**

www.uebertangel.org | www.goodnewsworld.com

SIRUTIK ENG' BUKUIT AGOBO RIPSET

ISAIA 54.

14 A TEGAT ENG' TOLOITA, A TONONOT
ENG' IMANDA, ALOOITUNOT ENG' NYALILDA
– MAYWEI KIY! ALOOITUNOT ENG'
KAMUISET – AMAGOI AGOT KORIKYON!

15 NGOT KONG'EETYON CHI BORIET, KO
MAGOI AIITYI KOLE KAIYOGU KAMUKTAIN-
DET. AGO NGOT KOBORION CHI, KO MAI-
SULDOI ENG' NOTO!

16 KIYAI KAMUKTAINDET KITANG'INDET NE
ILALE MANYIN, SI KOCHOPCHIGEI KARIGYIK
CHE BO RUMISIET. KIYAI KORA INENDET
NG'EMINDET.

17 AGO TOMO KITANYI KARIK CHE IMUCHI
KONG'EMAN. AGE TUGUL NE ITAAMAN KE-
GEERE INENDET KO U KIPLMBECHWET. A
OTWOGINDETAB KAMUKTAINDET AGO
AGENI INENDET KOGEER KOLE KAIKULDA
TUGUK TUGUL CHE MIACHEN AGOBO ANE.

**MWOWON KAMUKTAINDET KOU NITO AK
ISULDOI ENG' KAINETAB JESU!
TRANSLATED FROM THE MESSAGE BIBLE IN ENGLISH**

MAONATET NE INDOISEUN BETUT AGE TUGUL

Logoiywek Che Miach Betut Age Tugul (The GoodNews Daily) ko mitei nguni nebo barnotik, ak nebo lagok, ak noto nebo bik che echen, ago ibun maonateng'ung' nebo betut, kobun muguleldab Prophet Uebert Angel. Sirutichoto ko ibu sobetab ng'olyotab Kamuktaindet eng' chi tugul eng' gong'ung'. Siret nebo lagok ko tinye kayanet, chamnyet ak kayomisutikab Kamuktaindet, eng' oret ne imuchi koboiboenji, ago nebo barnotik ko tinye kereet ne kaikai, kotoret ichek eng' naet, ak kimnatetab tamirmiriet. Eng' betut age tugul inyorji ge maonatet ne indoiseun eng' bandang'ung', ak Kamuktaindet matin iming'in anan ko I o! Matin kosirin boroinato, nam anyun sireng'ung'nebo buch rani.



SCAN ME

KOBUN PROPHET UEBERT ANGEL

[f](https://www.facebook.com/goodnewsdailydevotional) [i](https://www.instagram.com/goodnewsdailydevotional) [y](https://www.youtube.com/goodnewsdailydevotional) [t](https://www.tiktok.com/goodnewsdailydevotional) @GOODNEWSDAILYDEVOTIONAL

WWW.GOODNEWSDAILYDEVOTIONAL.COM

KEREET NE YOMU NG'ONY KOMACHE BAJET NE YOMU NG'ONY

IGUN TORETINDETAB LOGOIYWEK CHE MIACH

Kobun toreteng'ung' ne mie ak konunetab fedaisieguk, kenyoru kamuget kepcheiten Logoiywek Che Miach, koityi komoswek tugul chebo ng'ony, ak kiamde ng'ang'utikab logoiywek che miach, chebo Kiptaiyandenyon Jesu Kristo, kou ye ineeti inendet ne konyitot Prophet Uebert Angel. Kimuchi keweel kutuswek, kimong;u bukuisiek, ak kepcheite Logoiywek Che Miach, eng' bonwekyok chebo amdaet, kampein nebo GoodNews On-The-Go, ak kampein nebo sponsor a Nation/Language, kotoretech keityin bik eng' amdaetab Logoiywek. Igun toretindet eng' keronito yomu ng'ony, ak ichutech eng' kayaptaetab Ng'olyotab Kamuktaindet, koityi emotinwek eng' ng'ony keboisien malaikayandenyon ne kiyokto, Logoiywek Che Miach Betut Age Tugul.

Kobun Prophet
Uebert Angel

@GOODNEWSDAILYDEVOTIONAL

PARTNER AT: WWW.GOODNEWSDAILYDEVOTIONAL.COM



NYUMNYUM KOSOBET!

Prophet Uebert Angel ko maotiot ne kilewen Kamuktaindet kosuldaen magutikyik, ago kinyor kuurenyin inendet eng' oret nebo kwong'et ak Kamuktaindet. Eng' kuronoto ko king'at inendet Kamuktaindet koamda kosobet, ak koyapta Kimnatenyin nebo kosobet eng' emotinwek. Eng' boisionito, ko kigiyonji Prophet Uebert Angel kobarta kimnatetab kosobet ne bo Kamuktaindet eng' ng'ony komugul. Kondochin inendet Tamirmiriet Ne Tilil, ko ki kosob bik eng' ortinwek che echen, ak kwong'utik che maiitoksei, ago manyorji ge bik kosobet kityo, kobaten kibaorian torornatet ak kimnatetab Kamuktaindet.

Ketesyi kuurenyin nebo maonatet, ko mi tai Prophet Uebert Angel kondochin emotinwek eng' kosobet ak sorunet. Eng' boisienyin nebo Kamuktaindet, ko kinyorji ge sobonwek che chang' walet eng' borto ak eng' tamirmiriet. Ye nyoru bik kosobet, ko chang' che kicham sorunet ak konyorji ge chamnyetab Kamuktaindet eng' kagesunet ak katiaget. Amu eng' kasetab it eng' ng'atutikab Kamuktaindet, ko tesetai Prophet Uebert Angel kobute kiwatosiek, ak koyatyin bik kimnatetab Kamuktaindet, ak kowole sobonwekab bik eng' ng'ony komugul.

Kobun Prophet Uebert Angel

FOR MORE VISIT: WWW.HEALINGINSTITUTE.ORG





TORET ILIPAN KUTIT AGENGE

Ochutech eng' banito mie ye otoretech eng' fedaisiek, ak kayaptaetab Logoiywek Che Miach, si kobit keityin milionisiekab mugulelwek eng' ng'ony. Kemi kibagenge kepcheitoi logoiywek che miach, chebo chametab Kamuktaindet koityi nganasok tugul, ortinwek tugul ak gorik tugul, eng' kutuswek che terjin eng' ng'ony. Eng' arawet age tugul, kopcheitobuch toretikyok Logoiywek Che Miach, koityi gorikab ichek che matinye sigik, che mi korgorosiek, oldab kanyoiset, gorikab bik che osen, oldab somanet, ole boisien kandoikab emotinwek, ak komoswek alak che chang' eng' ng'ony. Kigenyuru baornatosiekab sorunet, kosobet, nyorjinetab ge ne bo magutik, ak alak che chang', kobun letaet koyom ng'ony. Chutyin banito bo Kamuktaindet, ak igochi chi boroindeb kanamet ne leel, ak kamang'unet ne leel agobo mutai.

Kobun Prophet Uebert Angel

@GOODNEWSDAILYDEVOTIONAL

SPONSOR AT: WWW.GOODNEWSDAILY DEVOTIONAL.COM

MITEI ENG' KUTUSWEK CHE TERJIN

GOODNEWS DAILY COMPENDIUM



Kosibet nebo Ng'olyotab Kamuktaindet: katiaget nebo mogornotosiekab tamirmiriet kobun GoodNews Daily Compendium. Eng' kosibetab sobet ne tononot eng' Kristo, ko toloita tokyinetab ge ne magitumdumi eng' Ng'olyotab Kamuktaindet. GoodNews Daily Compendium ne tai kogonu tuguk chebo kamanut ne mamitei ne kergei eng' banito, amu tete komie Ng'olyotab Kamuktaindet eng' kebeberwek che nyolu kinetkei ak kiguiyo.

Kobun Prophet Uebert Angel

WWW.GOODNEWSDAILYDEVOTIONAL.COM

ITAAGAT ENG' OLE KIMI ENG' ONLINE! KOBUN PROPHET UEBERT ANGEL

NYORUECH ENG' WEBSITE

WWW.GOODNEWSDAILYDEVOTIONAL.COM


@GOODNEWSDAILYDEVOTIONAL




Nyorjin ge cherset betut age tugul, ak etunetab tamirmiriet, ye inyoruech eng' website nebo Logoiywek Che Miach. Chut oritab ng'olyotab maonatet nebo betut, ak tuguk alak che teechin ak kowal sobeng'ung'. Mat ichilil kasarta ne itesoksei eng' kayaneng'ung', ak inyoru boiboyet eng' Ng'olyotab Kamuktaindet. Nyoruech eng' website nebo Logoiywek Che Miach rani!

For more information visit: www.goodnewsdailydevotional.com
You can also send an email to: gnd@goodnewsworld.com
Or Call At: **USA: +1 (240) 781-6942 UK: +44 333 344 8612**
ZW: +263 773 195 955 RSA: +27 (51) 004-0209


BETUT AGE TUGUL AK KOTESTAI



Igun agenge eng' bik che chang' che inaami betunywa, ak sirutikab Logoiywek Che Miach, chebo betut age tugul. Kas Logiywek che Miach eng' Spotify ak ichamji korikyin eng' bandang'ung, eng' tamirmiriet ak imandab Bukuit Ne Tilil, kondoun ng'ang'utik ak kanetutikab Prophet Uebert Angel.



BETUT AGE TUGUL AK KOTESTAI



Kiibun baornatosiek agobo boisietab ne kiyai siretab Logoiywek Che Miach Betut Age Tugul eng' chanel nenyon nebo Youtube. Sirutichoto indoe eng' sirutik alak ko kitiiny sobonwek che maiitoksei, kopcheito kamang'unet, chamnyet ak kayanet. Kobun kanetutikab Prophet Uebert Angel, sirutichoto bo Logoiywek Che Miach ko tinye kimnatet kowal bik, kocher bik,gorik ak lagok, kosopcho sobonwek che tinye boisiet ak kasuldaet ne yamat.

Kobun Prophet Uebert Angel



SUBSCRIBE NOW

@GOODNEWSDAILYDEVOTIONAL

WWW.GOODNEWSDAILYDEVOTIONAL.COM



The Good News World Helplines

USA: +1 (240) 781-6942

UK: +44 333 344 8612

ZW: +263 773 195 955

RSA: +27 (51) 004-0209

www.goodnewsworld.com